



მენორა

გამოდის
1993 წლის
მარტიდან

დამოუკიდებელი ებრაული ბაჰეითი საქართველოში

„MENORA“ INDEPENDENT JEWISH NEWSPAPER IN GEORGIA

מנורה

„МЕНОРА“ НЕЗАВИСИМАЯ ЕВРЕЙСКАЯ ГАЗЕТА В ГРУЗИИ

ნომერი
(ხემატი)
15-30
№22 (356)
(5772)
2011

„הנורה“

עיתון יהודי

בגוריה

ისრაელის დიპლომატიის ბამარჯვება

დიდი საშიშროების წინაშე

55 განსაკუთრებული ყუბარა

პალესტინის ნაციონალური ადმინისტრაცია: გაეროს უშიშროების საბჭოზე ჩვენი განაცხადის ჩაგდება სამარცხვინოდ არ იქნება

კომისიამ, რომელიც გაერთიანებული ერების ორგანიზაციაში ახალი წევრი ქვეყნების მიღებას კურირებს, გაეროს სრულყოფილებიანი წევრის სტატუსის მინიჭების თაობაზე, არ არსებული პალესტინის სახელმწიფოს თხოვნა არ დააკმაყოფილა და პალესტინელების განაცხადი უშიშროების საბჭოს დაუბრუნა.

განაცხადს თან ახლავს კენჭისყრის შედეგები, რომლის თანახმადაც გაეროში პალესტინის განუერთებლობა მუდმივი წევრი 15 ქვეყნიდან მხარი მხოლოდ 8 სახელმწიფომ დაუჭირა. შეგახსენებთ, განაცხადის მიხედვით, პალესტინელებს სულ მცირე 9 ქვეყნის მხარდაჭერა უნდა მოეპოვებინათ.

ამ ეტაპზე უცნობია, თუ რომელმა ქვეყნებმა დაუჭირეს მხარი პალესტინელებს, თუმცა მანამდე ცნობილი იყო, რომ ამ იდეის მხარდამჭერებად გამოდიოდნენ: რუსეთი, ჩინეთი, ბრაზილია, ინდოეთი, სამხრეთ აფრიკა და ლიბანი. სავარაუდოდ, მათ მხარი ასევე დაუჭირეს ნიგერიამ და გაბონმა. საფრანგეთი, დიდი ბრიტანეთი, კოლუმბია და ბოსნია თავიდანვე აცხადებდნენ, რომ კენჭისყრაში მონაწილეობისგან თავს შეიკავებდნენ. მონიშნავს რიგებში იყვნენ აშშ, გერმანია და პორტუგალია.

ახლა უკვე პალესტინის ხელმძღვანელობამ უნდა გადაწყვიტოს განაცხადს უკან გამოიხილოს, თუ აღნიშნული საკითხის უშიშროების საბჭოზე გატანას მაინც მოითხოვს, მით უფრო, რომ ამ იდეის მარცხი აშკარად სახეზეა.

გაეროში პორტუგალიის წარმომადგენელმა, უშიშროების საბჭოს მორიგე თავმჯდომარემ — ხოსე ფილიპე მორაესმა განაცხადა, რომ მიმდებარე კომისიამ პალესტინის საკითხზე ანგარიში უკვე წარუდგინა გაერთიანებული ორგანიზაციის უშიშროების საბჭოს, რომელიც იმსჯელებს იმაზე, თუ რა ღონისძიებები გატარდება შემდგომში.

აღსანიშნავია, რომ გაეროში პალესტინის განუერთების გარანტიას არც უშიშროების საბჭოს 9 ქვეყნის მხარდაჭერა იძლევა, რადგან აშშ-მ პირობა დადო, რომ აუცილებლობის შემთხვევაში ვეტოს უფლებას გამოიყენებს.

როგორც გაეროში პალესტინის დამკვირვებელმა რიად მანსურმა განაცხადა, უახლოეს დღეებში ზოგად საფუძველზე გაეროში პალესტინის განუერთების თაობაზე, პალესტინის ავტონომიის ხელმძღვანელობა არაბული ქვეყნებისა და მათი მხარდამჭერი სახელმწიფოების ლიდერებთან მოლაპარაკებებს გამართავს.

მანსურის თქმით, თუ პალესტინელები გადაწყვიტენ, რომ ეს საკითხი უშიშროების საბჭოზე გაიტანონ „მისი ჩაგდების შემთხვევაშიც კი სამარცხვინოდ არაფერია, რადგან გაეროში პირველი მცდელობით არც ისრაელი, იტალია, კუვეიტი და კიდევ რამდენიმე სხვა ქვეყანა მიიღეს“.

პალესტინის ნაციონალური ადმინისტრაციის მეთაური მაჰმუდ აბასი კი, რომელიც ამჟამად ტუნისში იმყოფება, აცხადებს, რომ გაეროს სრულყოფილებიანი წევრობის იდეაზე პალესტინელები უარს არასოდეს იტყვიან. კომისიის გადაწყვეტილების კომენტარებისას, აბასმა განაცხადა: — „მათი უარი სულაც არ ნიშნავს იმას, რომ აღნიშნული საკითხი ჩავარდა“. მან დასძინა, რომ პალესტინა მზადაა ისრაელთან მოლაპარაკებები განაახლოს. ამავდროულად, მოლაპარაკებების განახლების წინაპირობად, დასახლებებში მშენებლობების სრულ შეჩერებასა და 1967 წლის საზღვრების ოფიციალურ აღიარებას აბასი უკვე აღარ მოითხოვს.

აშშ-მ ისრაელს საიდუმლოდ გადასცა 55 ყუბარა, რომლებიც განკუთვნილია მინიქვეშა ბუნებრივებისთვის — ამას იტყობინება ერთ-ერთი ფრანგული გამოცემა.

ყუბარები წონით დაახლოებით ერთი ტონაა, მათ შეუძლიათ გაარღვიონ ჯაგემანი, მინიქვეშა შენობის ქერი და მასში გააჩინონ ხანძარი. ფრანგული გამოცემის აზრით, ისინი ისრაელს ირანში მდებარე ატომური ობიექტებზე თავდასხმისთვის გადაეცათ.

ამასთან ერთად, შეერთებული შტატები ითხოვენ, რომ ისრაელმა ირანის წინააღმდეგ სამხედრო მოქმედება ვაშინგტონთან შეთანხმების გარეშე არ დაიწყო. ამ მომენტისათვის აშშ და დიდი ბრიტანეთი ირანის წინააღმდეგ სანქციების გამოკაცრებას ითხოვენ.

სხვათა შორის, ირანი ისრაელის ატომურ ობიექტებზე საპასუხო თავდასხმით იმუქრება. „ჩვენთვის ყველაზე მოსახერხებელი მიზანია — ატომური რეაქტორი დიომონაში“, — განაცხადა ირანის არმიის გენშტაბის ხელმძღვანელის მოადგილემ — გენერალ-მაიორმა მასუდ ჯაზაერმა.

მან თქვა: — თუ ისრაელი ჩვენზე თავდასხმას გაბედავს ჩვენ მას ალვეგით პირისაგან მიწისა. — და ჩვენი პასუხი არ შემოიფარგლება მხოლოდ ახლო აღმოსავლეთის რეგიონით.

„Daily Mail“ ირანზე თავდასხმის დროს ასახელებს

ისრაელს შეუძლია საომარი მოქმედება ირანის წინააღმდეგ შობა — ახალ წლამდე — დეკემბერში დაიწყო. ეს ინფორმაცია ბრიტანულმა გაზეთმა „Daily Mail“-მა გაავრცელა. ურნალისტიკების სიტყვებით, ინფორმაცია დაყრდნობილია ბრიტანული დაზვერვის მალაქონისთვის მოსაზრებებზე.

ისრაელში დიდი ბრიტანეთის ელჩმა მეთიუ გულდმა განაცხადა, რომ ირანზე თავდასხმის შემთხვევაში მისი ქვეყანა ისრაელს დაუჭერს მხარს.

ხამენაიმ ისრაელი და აშშ ბააფრთხილა

ირანის სულიერმა ლიდერმა აიათოლა ალი ხამენაიმ გააფრთხილა ისრაელი და აშშ იმ საშიშროების შესახებ, რომელიც მისი ქვეყნის დასავლეთ ნაწილში იმალება.

„არც კი გაიფიქროთ ჩვენს ატომურ ობიექტებზე თავდასხმა, — განაცხადა ხამენაიმ, — ირანის არმია ნებისმიერი მონიშნავს თავდასხმას სწრაფად და სასტიკად უპასუხებს, — გვაცნობებს საიტი „Ynet“.

ხამენაის სიტყვებით, დამკვირვებლები დიდ როლს შეასრულებენ ირანელი ლიდერების რეაქციაში დასავლეთის ქვეყნების ირანის ატომურ ობიექტებზე თავდასხმის შემთხვევაში.

ისრაელი აშშ-ს ირანთან მიმართებაში თავის გეგმას უპასუხებს

ისრაელი აშშ-ს ირანთან მიმართებაში თავის გეგმას — ირანის ატომურ სადგურებზე შესაძლო თავდასხმას უმაღლეს, იტყობინება „Sunday Telegraph“. „ისრაელმა უარი თქვა ბარაკ ობამასთვის გარანტიის მიცემაზე, იმისა, რომ ირანის ატომურ ინფრასტრუქტურაზე თავდასხმას წინასწარ შეატყობინებს — იტყობინება „itar-tas“. — ამან გაამძაფრა საშიშროება იმის შესახებ, რომ ისრაელი დამოუკიდებლად გეგმავს ოპერაციას და ირანზე თავდასხმას მომავალ ზაფხულს განახორციელებს.

ამასთან ერთად, გამოცემა ამტკიცებს, რომ „ისრაელმა ირანის ატომურ ენერჯეტიკულ პროგრამასთან დაკავშირებით, დიპლომატიური შეთანხმების მიღწევის იმედი დაკარგა“.

ისრაელის სახელმწიფო ადმინისტრაციის მეთაური მაჰმუდ აბასი

სწავლულებმა გამოიგონეს სენსორული მატრიცა, რომელსაც ამონასუნთქი ჰაერის მეშვეობით შეუძლია გაფანტულ სკლეროზს დიაგნოზი დაუსვას. ამის შესახებ საუბარია ჟურნალ „ACS Chemical Neuroscience“-ში გამოქვეყნებულ სტატიამ.

ისრაელის ტექნოლოგიური ინსტიტუტის თანამშრომელმა — ხომას ხაიკმა კოლეგებთან ერთად განაცხადა, რომ არსებულ მომენტში მედიკოსები დიაგნოზს უსვამენ გაფანტულ სკლეროზს (ქრონიკული ავტოიმუნური დაავადება, რა დროსაც ზიანდება ნერვული ბოჭკოები თავისა და ზურგის ტვინში), მის სახასიათო თვისებებზე დაყრდნობით, რომელთაც მიეკუთვნება კუნთების სპაზმები, კოორდინაციის პრობლემები და საუბრის დარღვევა.

დაავადების დიაგნოსტიკის სხვა ვარიანტებიც არსებობს, ერთ-ერთია გავრცელებული — მპტ პროცედურა, რომელიც დაავადების მკურნალობის სწორი მეთოდების დადგენის საშუალებას იძლევა. მეორე, არანაკლებად პოპულარული დიაგნოსტიკის მეთოდია — წელის გახვრეტა, ანუ ზურგის ტვინის ლუმბალური ფუნქცია, რომელიც თავისა და ზურგის ტვინში მოთავსებული სითხის ანალიზისთვის კეთდება. თუმცა ორივე ტექნოლოგიას აქვს მინუსები: მპტ იაფი არ ღირს, წელის გახვრეტა კი ინვაზიური ჩარევას მოითხოვს.

სპეციალისტებმა პრობლემის გადაჭრა შეძლეს. მათ აღმოაჩინეს მფრინავი ორგანული შემადგენელი, ამონასუნთქი ჰაერში მათი აღმოჩენის შემთხვევაში, შეიძლება დაკავშირებულ იყვნენ გაფანტულ სკლეროზთან. ამ მონაცემებზე დაყრდნობით სწავლულებმა შეიმუშავეს სენსორული მატრიცა, რომელსაც დიაგნოზის დასმა ამონასუნთქი ჰაერის ქიმიური ანალიზის მეშვეობით შეუძლია. ავტორებმა გამოგონება წარმატებით დააპატენტეს. კლინიკურ ცდებში მონაწილეობა მიიღო ოცდაათობამეტმა გაფანტული სკლეროზით დაავადებულმა ადამიანმა და ჩვიდმეტმა ჯანმრთელმა მოხალისემ. შედეგების მიხედვით სწავლულებმა დაადგინეს, რომ ახალი მონაცემები ისევე ზუსტია, როგორც ზურგის ტვინის ფუნქცია. მისი უპირატესობა მდგომარეობს იმაში, რომ პროცედურა სრულიად უმტკივნეულოა და გამოიცხადება გვერდით მოკლებულს.

სამუშაოების შედეგი ხსნის ახალ შესაძლებლობებს სწრაფი, არინვაზიური და იაფ სამედიცინო დიაგნოსტიკურ ინსტრუმენტს ქრონიკული ნევროლოგიური დაავადების გამოვლინებისთვის, — განაცხადებს სწავლულებმა. მათი სიტყვებით, კვლევა შეიძლება იქცეს დასაწყის პლატფორმად გაფანტული სკლეროზის სხვადასხვა ფაზის განსახილველად და ასევე იმ ავადმყოფების გამოსავლენად, რომლებიც იმუნოთერაპიაზე კარგად რეაგირებენ.

თბილისის დიდი სინაგოგა 100 წლისთავზე

ლოცვის კართან

წერილი მისამი

შოთა ბოსტანაშვილი

კვირიდან კვირამდე იმდენი რამ ხდება ჩვენი ლოცვის კართან, რომ... (უნდა შევყოვნდე). მომწონს ეს გამოთქმა — „ლოცვის კართან“. ის არა მარტო მთელ სივრცულ არეალზე (არიელი გამახსენდა!) — გარემოზე მიუთითებს, არამედ — მენტალურზეც: ლოცვის კართან, ჩემს ბავშვობაში, მთხოვნელები იდგნენ — თითქმის ბოგანოები; ლოცვის კართან თეთრწვეროსანი მოხუცები ისხდნენ თავთავიანთი ჯიბის სამშობლოთი („ჯიბის სამშობლო“ ჰაინეს გამოთქმაა. ასე უნდა იყოს ის თორის წიგნებს). ამ გამოთქმაში, სწორედ ეს „თი“ არის საინტერესო და მნიშვნელოვანიც. ამ ორი ასოს საშუალებით ხდება იმ განცდის გაცხადება, რომ სამშობლოს თან (შენთან) ატარებ, თან (ამასთანავე) ატარებ (მისტირი) და ამ ტირილს ლოცვად აქცევ: „გაისად ამ დროს იერუშალაიმში.“ ეს დროც დადგა და დგას, და დგას კითხვაც — სამშობლოში ისევ სამშობლოთი ვართ? შეიძლება გალუთი სამშობლოთი იყო და სამშობლოში გალუთით. ამ საკითხის გამოძიება ისრაელში დიდი ხნის ასულს და მიმსვლელ-მომსვლელს უფრო დაეჯერება. აქედან კი ისე სჩანს, რომ ეს „თი“ გზაში დაილია, დაიკარგა. ამ კითხვის საბაზს ის ასეულობით ისრაელელი ტურისტები მაძლევს, რომლებიც ლოცვის კართან მოდიან. ასეთ მასიურ მიმოსვლას, რაც ჩვენს სინამდვილეში სიხლევა, ჩვენი ლოცვის კარიც ახალ, სანახაობრივ, სამუზეუმო რეჟიმში გადაწყვეცა: თითქოს დამთავრდა ერთი სინამდვილე — მთხოვნელთა, თეთრწვეროსანთა, ჯიბესამშობლოიანთა, ადგილის ბინადართა და დაიწყო განსხვავებული: ადგილს ტერიტორია ჩაენაცვლა და ბინადარს — დამსწრე. საქართველოს ებრაელთა სამოსახლო ადგილები დღეს მხოლოდ ტერიტორიებია, რომელზეც დგას, ან აღარ დგას სინაგოგა (ამაზე უფრო დეტალურად სხვა წერილში).

თბილისის დიდი სინაგოგის შენობა კიდევ დიდხანს იდგება იმ ტერიტორიაზე, მაგრამ იქნება თუ არა ის ლოცვის კარის ადგილი? ან ვინ იფიქრებდა, რომ ცოტა უფრო გვიან აგებული ორი სინაგოგიდან ერთი მუზეუმად იქცეოდა და მეორე — თეატრად. „მინა მუდამ ანხორციელებს ადგილზე დეტერიტორიალიზაციის მოძრაობას“ და „აზრი უფრო ტერიტორიის და მიწის თანაფარდობის ხორციელდება“. თანამედროვე დიდი ფრანგი ფილოსოფოსების (ჟ. დელიოზი და ფ. გვატარი) ამ ძალზე მნიშვნელოვანი ნააზრების კვალობაზე არც ეს მინა უნდა იყოს ლოცვის კარის სამუდამო ადგილი და მისი რეტერიტორიალიზაციის პერსპექტივაში შესაძლებელია იულონ ბატონიშვილის სასახლეც ფიგურირებდეს, რომელიც ამ ადგილას იდგა. ნესით ბატონიშვილს მეტი გარანტიები უნდა ჰქონოდა, რომ მისი მემკვიდრეობა საშვილიშვილოდ გადარჩებოდა, მაგრამ ასე არ მოხდა. სასახლე ვინმე მუნიციპალური ალმონდა და ასეც მოიხსენიებდნენ — „მუნიციპალური დარბაზი“, რომელიც ახალციხელმა ებრაელებმა დაიქირავეს და სალოცავად გადააკეთეს. შემდგომში კი, 1898 წელს, ავარიული შენობა ქალაქის მესვეურებმა დაანგრეს. თბილისის დიდი სინაგოგა არ არის ავარიულ მდგომარეობაში. მიმდინარე რემონტი კი, მისი ექსპლუატაციის ხარისხს მნიშვნელოვნად გააუმჯობესებს, ამიტომ მას არავინ არ დაანგრევს. მაგრამ ხომ შეიძლება, ისევ შეიცვალოს სიტუაცია და შენობის ფუნქციონაც ადეკვატურად უპასუხოს მოსალოდნელ ცვლილებებს, ისე როგორც ეს მოხდა მუზეუმის და თეატრის შემთხვევაში. ხომ არ მიდის ლოცვის კარის ისტორია დასასრულისკენ? ამ კითხვის საბაზს ის სინამდვილეც მაძლევს, რაც ხდება (ამაზე ქვემოთ).

ადგილის და ტერიტორიის ისტორიას შორის მივყავართ, კერძოდ იქ და იმ დროში, როდესაც „...დარგო უფალმა ღმერთმა ბალი ედემში, აღმოსავლეთით და დასვა იქ ადამიანი, რომელიც შექმნა“ (ბერეშითი 2:8). აქ „ედემში აღმოსავლეთით“ ტერიტორიაა, „ბალი“ ადგილია. „ბალის“ კულტურული პარადიგმა (ანალოგია) ტაძარია, რომლის მაგივრობას დღეს სინაგოგები ასრულებენ. დიახ, სინაგოგა ედემის ბალის ნოსტალიგიებს აღძრავს. აქ უბრუნდება ადამიანი სამოთხისეულ ატმოსფეროს. სწორედ „სამოთხის კარის“ ატმოსფეროს აღნიშნავს „ლოცვის კარი“. სამოთხის კართან დიდი დრამა დატრიალდა — ადამი და ევა გამოაძევეს - კარი დაუხურეს (აქ და ქვემოთ ხაზგასმა ჩემია - შ.ბ.). „ბერეშითი“ ზმნა დახურვა უფრო ადრეა ნახსენები, იქ და მაშინ, როდესაც „მოჰგვარა უფალმა ღმერთმა ძილქუში ადამს და დაეძინა. ამოულო ერთი ნეკნთაგანი და დახურა (ვაისგორ) ხორცი“ (ბერე-

შითი 2:21). ეს ტექსტი მრავალი ინტერპრეტაციისკენ გვიბიძგებს და მათ შორის შესაძლებელია ასეთი ნაკითხვაც: ადამის სხეულიდან, როგორც არონ ჰაკოდეშიდან სეფერ-თორის გამობრძანების რიტუალს ჩაეყარა საფუძველი. სეფერ-თორის კაბებით შემოსვის ტრადიცია და შაბათის ქალბატონობაც ამავე საწყისიდან უნდა მოდიოდეს.

პატრიარქ აბრაამის კარავი და კარვის კარიც საკრალურ ტოპოსად (ადგილად) უნდა მივიღოთ. „გამოეცხადა მას უფალი მამრეს მუხნარში. იგი იჯდა კარვის შესასვლელთან დღის პაპანაქებაში“ (ბერეშითი 18:1). სამოთხის კარისგან და აბრაამის კარისგან განსხვავებით ქალაქის კარიბჭე უარყოფითი ნიშნით აღბეჭდილი ადგილია. „მოვიდა ორი ანგელოზი სედომში სალამო ხანს, ლოტი კი იჯდა სედომის კარიბჭესთან...“ (ბერეშითი 19:1). შემდეგი ფრაგმენტი კი ეხება აბრაამის მიერ მღვიმის შექმნას თავისი მეუღლის, სარას დასაკრძალად. „აბრაამმა შეიძინა საკუთრებად ხეთის ძეთა თვალთა წინაშე, მისი ქალაქის კარიბჭესთან მოსულთა (თანდასწრებით)“ (ბერეშითი 23:18). იეჰუ-დას და თამარის ამბავიც კარიბჭესთან ხდება: „გაიძრო ქალმა ქერივობის სამოსელი, გარემოსხა ჩადრი, დაიბურა და დაჯდა ენაიმის კარიბჭესთან“ (ბერეშითი 38:14). მიშქანის ასაგებად მრავალ ნაკეთობათა შორის მოხსენებულია „ეზოს კარიბჭისათვის ჩამოსაფარებელი ოცი წყრთა ცისფერი, მენამული, ჭიაფერი ქსოვილისა და გრენილი ბისონისაგან, მქარაგვის ნამუშევარი...“ (შემოთ 27:16). და აი, კიდევ ერთი საკრალური კარი: „როგორც კი კარავში შევიდოდა მოშე, ეშვებოდა ღრუბლის სვეტი და იდგა კარვის კართან და უფალი ლაპარაკობდა მოშესთან“ (შემოთ 33:9). მეც ასე მქონდა შთაგონებული ბავშვობიდან და ლოცვის კარის ყველა თეთრწვეროსან სახეში მოშე რაბინუს ანარეკლს ვხედავდი. ჩემი ბავშვობის დიდ მოძღვრებს — რაბი ისრაელ ბაბალიკაშვილს და რაბი (ყ)იმანუელ დავითაშვილს სწორედ ასე აღვიქვამდი. ეს დიდი ხნის წინ იყო, სამოცი წლის წინ, როცა ლოცვის ეზოში სამთვლიან ველოსიპედს „დავაჭენებდი“ და ასეა დღესაც.

ლოცვის კარზე მეზუზაა — ტექსტი, რომლის გაცნობიერებას იქნებ, ერთი სიცოცხლე არც ჰყოფნის; ლოცვის კარში შუქიც შედის და მუქიც და სულ შუქი გამოდის; ლოცვის კართან ახალი მთვარე მოდის; ლოცვის კართან საფესახო სამზადისია; ლოცვის კართან კარგიც მომხდარა და არასასურველიც. დღესაც ლოცვის კართან ვემშვიდობებით გარდაცვლილ ადამიანებს. ლოცვის კართან ზოგჯერ უკანასკნელი იმედი იღო: ავადმყოფისთვის წამლის მაძიებელს აქ ეგულეობდა შველა და ხშირად პოულობდა (როგორც იტყვიან: შპოვება). სულიყო და ჩაშკა ლოცვის კარის ასეთ კეთილ კაცებად იქცნენ; სხვა ნაწილი თეთრი მარმარილოს მემორიალური დაფიდან გადმოგვყურებს. ეს ჩვენი ხახამ-რაბინები არიან; ლოცვის კართან დღეს... თუმცა, ამაზე ნაწილობრივ ლოცვის კართან ჩამწკრივებული მალალი კლასის მანქანები მეტყველებენ. ლოცვის კართან ბევრი დადიოდა მოკეთეც და უკეთურიც...

- მაგალითად?
- უკაცრავად თქვენ ვინა ხართ?
- მე ვარ ხმა... მართლისხმა თუ ინტრიგანი? მავნე ხმა თუ მავანი ხმა? გულისხმა თუ ფულისხმა? თქვენს ტექსტებში მინდა შემოსვლა და თქვენ გადაწყვიტეთ, თქვენ უპასუხეთ.
- მაგალითად: ლოცვის კარის დასაკეტად, 50-იან ნლებში, ექიმთა საქმის გამო, ან სეფერ-თორების ნასადებად (აქ გასაღებაც იკითხება, ბგერნერით). აქ ერთ ღამეში რამდენიმე ათეულ ოჯახს „შეუსყეს ხელი“ ხელის ჭუჭყისგან განთავისუფლებაში. მაგრამ

„ყოველს შემძლეო! რა საშინელია (ებრ. ნორა) ეს ადგილი! იგი სხვა არა არის რა, თუ არა სახლი ღვთისა და ეს არის ცის ბჭენი. ეს არის ღვთის კარი. მართალი შევლენ მასში. დაიწყეს შენება 5651 წელს ქვეყნის გაჩენიდან, ხოლო 5655 წელს დაამთავრეს.“*

ეს იყო ოდესღაც, იმ წითელ და შავ-ბნელ დროში... ლოცვის კართან ხალხის გარდა ხმებიც დადიან და დადიოდნენ: აი, მავანმა და მავანმა ამდენი ნააგო, ანდა მოიგო; მავანმა საქიფუროდ ჰეხალის გახსნაში ამდენი და ამდენი გადაიხადაო. რა არ გამოიგია. ის კი ვიცი, რაც არ გამოიგია: მოკლაო და გაიმასქნაო, მართლა არ გამოიგია. ერთი სიტყვით, „ლოცვის კარი“ დიდი წიგნია და საერთო ჯამში ჯანმრთელი წიგნია, რომელიც ყოველდღე უნდა იწერებოდეს.

დავუბრუნდეთ ჩვენს სარემონტო სამუშაოებს. დღეს ლოცვის კართან მუშები ფუსფუსებენ, სამშენებლო მასალებით შედიან, სამშენებლო ნაგავით გამოდიან. შედიან და გამოდიან ხმებიც. ასე მაგალითად: მთავარი რაბინი თუ მთავარი რაბინია, აქ უნდა იყოსო და გვიხელმძღვანელოსო; ბოლოს და ბოლოს ზოგჯერ ისეც უნდა დაგვხედოსო და არა მარტო დღესასწაულებში.

ხმა: მეტი არაფერი? — მე თვითმხილველი არ გახლავართ. მოსმენილიდან კი ერთი ჩამრჩა: ამ ცოტა ხნის წინ, 9 ოქტომბერს ლოცვის კანტორაში რაბინს „სათქმელი“ „უთხრეს“... „ელოაღეჰემ, ისე კანკალებდა, როგორც კრავი განსაცდელში და რალაცას ბუტბუტებდა, ალბათ, ლოცულობდა“. აი, ესეც „სამიმი ადგილი“. მაგრამ ეს სხვა შიშია, ებრაულად „მესუქან“ — სახიფათო გარემოებისგან წამოსული შიში (მესუქან ბგერნერით „მესუქანთანაც“ ასოცირდება); დეთაებრივი შიში (ონის წარწერა წერილის დასაწყისში) სხვა სიტყვით აღინიშნება, ეს გახლავთ „ნორა“. წარმოსახვითი წარწერაც ლოცვის კარზე დღეს ასე ნაკითხებოდა: ყოველს შემძლეო რა მე(ს)უქანია ეს ადგილი.

თორა არავის შეცდომას არ გამოიციცხავს და მათ შორის არც მოძღვრისას. „თუ ცხებულმა მოძღვარმა სცოდოს ცოდვა ხალხისა, შესწინოს უფალს ცოდვის გამოსასყიდელ მსხვერპლად უმანკო ხბო. მიიყვანოს ზვარაკი ბჭობის კარის შესასვლელთან უფლის წინაშე, დაადოს თავისი ხელი ზვარაკს თავზე და დაკლას ზვარაკი უფლის წინაშე...“ (ვაიკრა 4:3, 4). მართალია, ამ წესის აღსრულება ტაძრის პირობებში იყო შესაძლებელი, მაგრამ სინაგოგის პირობებში ისე რადიკალურად ვერ შეიცვლენოდა, რომ რაბინთან „გამკლავების“ უფლებას მისცემდა ვინმეს (რაიმე სხვა, ცივილიზებული წესის გარეშე). წესრიგის დარღვევაზეა ლაპარაკი, რაც მხოლოდ შემოქმედებაში შეიძლება იყოს საინტერესო და არა რელიგიურ, ან სამეცნიერო ინსტიტუტებში. სწორედ, ეს გარემოება (თუ ის არ გამოსწორდა), მაფიქრებინებს ლოცვის კარის დასასრულზე (შდრ. გ. ბააზოვის „გელათის ქუჩის დასასრული“).

კაი ამბებიც ვთქვათ: ორთაქალის სასაფლაოზე ბილიკები მოეწყო, გაინმინდა, დასუფთავდა, წყარო კეთდება (იხილეთ აქვე).

ამას წინათ, დავით ფიჩხაძე მესტუმრა, კაცი, რომელმაც სურამის ლოცვას უპატრონა. სიამოვნებით უნდა აღვნიშნო, რომ ძალიან კარგი შთაბეჭდილება დატოვა. დავითი გვარწმუნებს, რომ ნახატები, რომელთა გაქრობის შესახებაც წინა წერილში ვიუწყებოდი, რემონტის დაწყებამდე იყო დაზიანებული. რა თქმა უნდა, სასურველი იყო რაიმე ფრაგმენტის გადარჩენა სამუზეუმოდ, ან აღსადგენად. ჩემი წერილის კრიტიკული პათოსი სასულიერო ხელმძღვანელობას უფრო ეხებოდა და ამ აზრს ისევ ვიმეორებ: როდესაც ქველმოქმედნი მოგაკითხავენ მატერიალური კულტურის ძეგლების მოსავლელად, გთხოვთ მაცნობოთ, როგორც კონსულტანტს, ექსპერტს, ვინც გასამსჯელოს გარეშე მოგემსახურებათ, როგორც ყოველთვის.



პარინანტი 1.



პარინანტი 2.

* წარწერა ონის ლოცვის კარის თავზე. შესრულებულია ებრაული კვადრატული შრიფტით. თარგმანი ეკუთვნის ნისან ბაბალიკაშვილს. წლები შეესაბამება 1891-1895 წს.

ერთი სანაქებო ნაშრომის თაობაზე

გურამ ბათიაშვილი

საინფორმაციო საშუალებებმა სასიამოვნო ამბავი გვაუწყეს: 2 ნოემბერს ისრაელის ქნესეთის ალიისა და აბსორბციის კომიტეტის სხდომაზე, რომელიც ქართველ ებრაელ რეპატრიანტთა პატივსაცემად გაიმართა, დაისვა ერთობ მნიშვნელოვანი საკითხი — 18 ქართველი ებრაელის ოჯახის მიერ გაეროსადმი გაგზავნილი წერილის ავტორთა ხსოვნის უკვდავსაყოფად ღონისძიებების ჩატარება.

ამ ინიციატივის მოთავე გახლავთ აბრამ მიხაელი — ისრაელის ქნესეთის წევრი, ქნესეთში ფრაქცია „შასის“ თავმჯდომარე.

უწინარესად, მსურს მკითხველს წარვუდგინო აბრამ მიხაელი. ვინ არის იგი?

აბრამ მიხაელი-მიხელაშვილი საქართველოში, დაბა კულაში — საქართველოს ამ პატარა იერუსალიმში — დაიბადა, მოზარდი ავიდა ისრაელში, იქ დაამთავრა საშუალო სკოლა, მოიხადა სამხედრო ვალდებულება, ისწავლა იურიდიულ ფაკულტეტზე და ენეოდა საადვოკატო პრაქტიკას. როგორც მსმენია, საკმაოდ წარმატებით — ჩინებული ადვოკატის რეპუტაციით სარგებლობდა. სწორედ, ეს იყო იმის მიზეზი, რომ ქნესეთში შესვლის პერსპექტივა არცთუ ძლიერ ხილავდა — ისედაც უზრუნველყოფილი ადამიანი გახლდათ (შემიმჩნევია, ისრაელის ახალგაზრდობა არჩევს თავისი პროფესიის აპარზეზე მოღვაწეობას და ნაკლებად ინტერესდება ქნესეთის პერსპექტივით — ამის ახსნა იმით შეიძლება, რომ ისრაელის პარლამენტის წევრობა სულაც არ არის ცხოვრების უკეთესი მოწყობის საშუალება, ისე, როგორც ზოგიერთ ქვეყანაში), კარგი პროფესიული რეპუტაცია, აბრამ მიხაელს აძლევდა ყველაფერ იმას, რაც ადამიანს საზოგადოების ღირსეულ წევრად აქცევს.

აბრამ მიხაელი გახლდათ საქართველოს ებრაელთა მსოფლიო კონგრესის ყრილობის მოსამზადებელი კომიტეტის წევრი, მისი იურიდიული კონსულტაციის გარეშე თითქმის არაფერი კეთდებოდა. ხშირად ყოფილა: მომავალი კონგრესის მიზნების, ამოცანების განსაზღვრისას გვიან ლამემდეგ ვმსხდარვართ, ლამის დაგვთენებია, რადგან იყო პოზიციათა სხვაობა. ამით გახლდათ განპირობებული ის, რომ 2003 წელს იგი არჩეულ იქნა სემ კონგრესის თანათავმჯდომარის მოადგილედ.

კარგად მახსოვს, კონგრესის ოფისში როგორ მობრძანდა რელიგიური პარტია „შასის“ ერთ-ერთი ლიდერი, ვგონებ, ამნონ ქოუნი და პრეზიდენტ მოშე (მიშიკო) მირილაშვილთან, ჩვენთან — თანათავმჯდომარეებთან, თანათავმჯდომარეთა მოადგილეებთან დასვა საკითხი, რომ აბრამ მიხაელს მიეცა თანხმობა „შასის“ სიით ქნესეთში კენჭისყრაზე. ბატონ მიშიკოს იმასაც სთხოვდა, ზეგავლენა იქონიე აბრამ მიხაელზე.

აბრამ მიხაელმა თანხმობა განაცხადა და ქნესეთის წევრი გახდა, ამ ცოტა ხნის წინათ, კი იგი ხელახლა აირჩიეს ქნესეთში. ამჟამად ქნესეთის „შასის“ ფრაქციის თავმჯდომარის საპატიო პოსტი უჭირავს.

მინდა ხაზი გავუსვა აბრამ მიხაელის პიროვნების ორ მთავარ მახასიათებელს:

ა) აბრამ მიხაელი ეროვნული ტრადიციების უაღრესად ერთგული პიროვნებაა.

ბ) აბრამ მიხაელი გამრჯე, დაუზარელი ადამიანია.

გ) ჩვენ ვიცით, შემთხვევები, როდესაც ებრაული წარმომავლობის მოღვაწენი გამხდარან პარლამენტის წევრები, იქაღიან კიდევ ამდენი და ამდენი წელი ვიჯექი პარლამენტარის სავარძელში, მაგრამ ებრაელთა სატიკვიარ-სანუხარზე ერთხელაც არ დაუძრავთ სიტყვა, საპარლამენტო ტრიბუნლიდან: **ერთხელაც არ უთქვამთ სიტყვა, რომელიც ერის სანუხარს წაადგებოდა.**

აბრამ მიხაელის საპარლამენტო მოღვაწეობა სულ სხვაგვარად ხასიათდება: მას შემდეგ, რაც იგი პარლამენტარი გახდა, იქცა ქართველ ებრაელთა სატიკვირის მომშუშებლად — ქართველ ებრაელთა ლობისტად ქნესეთში.

პარლამენტის წევრობას სწორედ მაშინ აქვს აზრი, როცა გარემოცვევითა, ამ შემთხვევაში, შენი თემის სატიკვირის მომშუშებას ცდილობ. სხვაგვარად საკითხი ერთი პიროვნების ამბიციის დაკმაყოფილებისა და ოჯახური ბიუჯეტის განმტკიცების სფეროში ექცევა. ესაა და ეს! ასეთი პარლამენტარები ერის ცხოვრებაში არა-რა კვალს არ სტოვებენ. აბრამ მიხაელს კი ისრაელის ქართველი ებრაელობის საკითხების მოსაგვარებლად დრო და ენერგია არასოდეს დაუშურებია: ისრაე-

ლის ქართველ ებრაელობას ბევრი საამისო მაგალითი აქვს. მე არ მსმენია, მაგრამ ალბათ, მომდურავიც ჰყავს, რადგან ზოგიერთს მიაჩნია, რომ მისი ყველა თხოვნა უნდა დაკმაყოფილდეს. ყოველგვარი პრობლემის მოგვარებას, ცხადია, პარლამენტის თავმჯდომარეც კი ვერ შესძლებს. აქ მთავარია ის, რომ აბრამ მიხაელი მონოდეტულია ქნესეთში იცავდეს ქართველი ებრაელობის ღირსებასა და ინტერესებს.

2008 წლის სექტემბერში, რუსეთ-საქართველოს ომის შემდეგ, თავის კოლეგებთან ერთად ჩამოვიდა საქართველოში. იყო გორში, შეხვდა თბილისის ჯამაათს. რასაკვირველია, ეს ვოიაჟი საქართველოს



მხარდაჭერას გულისხმობდა — მან ისრაელის პარლამენტის პატივისცემა და თანაგრძნობა ჩამოუტანა ომით, მშობლიური კუთხეების დაკარგვით შეძრწუნებულ ქართველ ხალხს.

ამ რამდენიმე წლის წინათ, როცა იერუსალიმში ჩემი სცენარის მიხედვით შექმნილი მერაბ კოკჩაშვილის ფილმის „თუ დაგივინყო, იერუსალიმი!“ პრემიერა გაიმართა, აბრამ მიხაელმა ერთობ ვრცელი სიტყვა წარმოთქვა. ამ საღამოს ერთ მნიშვნელოვან დეტალს უნდა გავუსვა ხაზი: ჩვეულებისამებრ, თავისი გამოსვლის დიდ მნიშვნელობაში დარწმუნებული პარლამენტარები, თუ მაღალჩინოსნები ლაპარაკობენ ზოგადად და მოკლედ. აბრამ მიხაელს კი თავისი გამოსვლის ტექსტი დანერგილი ჰქონდა — დანერგილი

სიტყვით წარსდგა აუდიტორიის წინაშე და დაახლოებით 20 წუთი კითხულობდა თავის ტექსტს.

რაზე მეტყველებს ეს ფაქტი?

მხოლოდ და მხოლოდ გამომსვლელის სერიოზულ დამოკიდებულებაზე, პასუხისმგებლობაზე განსახილველი საკითხისადმი. იგი არა ჰაიჰარად, არა ზედაპირულად, დიდი პასუხისმგებლობით მოეკიდა ქართველ ებრაელთა ისტორიაში ესოდენ მნიშვნელოვან ფილმის დაბადებას.

მიუხედავად იმისა, რომ 18 ქართველი ებრაელის მამაცობაზე ისრაელში გამოცემულ კრებულებშიც არის მასალები, ეს ერთობ მნიშვნელოვანი მოვლენაა მაინც დახშულ წრეშია მოქცეული, ჩვენ ვერ მოვახერხებთ ამ დიდი, ერთობ მნიშვნელოვანი მოვლენის სათანადო „პრომოუშენი“. მეტსაც ვიტყვი: სამნუხაროდ, მთელი სიგრძე-სიგანით ქართველ ებრაელობასაც კი ვერ გაუანალიზებია ის, რაც 1969 წელს, მაშინ როცა საბჭოთა კავშირი თავისი ძლიერების ზენიტზე იმყოფებოდა, მოხდა ქართველ ებრაელთა წიაღში.

მოხდა კი ერთობ მნიშვნელოვანი რამ:

1) შაბთაი ელაშვილის — ამ თანამედროვე მათათი-აჰუსა და მისი მამაბლების წამოწყობამ ბიძგი მისცა საბჭოთა იმპერიის დემონტაჟის პროცესს.

2) ამ უზარმაზარი საბჭოთა იმპერიის მოსახლეობას მიანიშნეს: ურჩხულთან ბრძოლა შესაძლებელია. ისიც კი შეიძლება, ამ ბრძოლაში გამარჯვება მოიპოვო.


3) გამოიჩინეს დიდი მამაცობა — როცა ისინი ამ ბრძოლას იწყებდნენ, უწყოდნენ, რომ შესაძლოა, გუ-ლაბებში, ფსიქიატრიულ საავადმყოფოებში, საპრობილეებში ამოეყოთ თავი.

ძალიან ძნელია განსაზღვრო, რომელი განსაცდელი უფრო შემადრწუნებელია: უდაბნოში სვლისა, თუ ციმბირის ყინულოვან გულაგებში მოხვედრისა. იქ, უდაბნოში გასულთ, ღვთიური მარჯვენა უჩვენებდა გზას და სამშობლოსაკენ მავალთ ძალას მატებდა. აქ, უსაშინლეს საბჭოურ რეალობაში მოქცეულთ, რა აძლევდათ ძალას? მინდა ამ კითხვას ასე ვუპასუხო: ისევე ღვთის ნება — შაბთაი ელაშვილსა და მის მამაბლებს, ისევე ღვთის ხელი უჩვენებდა გზას, კითხვას ასე ვპასუხო, მაგრამ ახირებული ადამიანების არსებობაც არ მავინცდება. ხომ შესაძლოა, შემახონ: იმ დიდ ნიგთა ნიგნს თანამედროვე ყოფაში პარალელების დაძებნა არ სჭირდება. ანგარიშგასახილველი ოპონირებაა, მაგრამ მე ისე მჯერა, რომ სწორედ ასე იყო, დაბეჯითებით ვიტყვი: ქუთაისელ, კულაშელ, თბილისელ, ფოთელ მამაბელთა ზრახვებსა და ქმედებებს, ღვთის ნება წარმართავდა. უზენაესი ხომ მარადიულია, იგი ისევე უმზერს ჩვენს თანამედროვეებს, როგორც ოცი, ოცდაათი საუკუნის წინანდელთ ხედავდა, იგი ისევეა ჩვენი იმედისა და ღოცვის სათავე, როგორც რაბი აკივას თანამედროვეებისათვის იყო.




უზენაესი ყველას ერთნაირად ხედავს — ცივილურ სამოსში მორთულ საბჭოეთის ბელადებსაც და ეგვიპტის ფარაონებსაც, საბჭოეთის სათავეშიც ხომ ფარაონები იდგნენ — თითქოს დრომ შორეული წარსულიდან გამოიხმო ფარაონები, რომელთაც ამჯერად არა რეფაიმიან, ყინულის, ჩრდილოეთის ზღვასთან უნდა მიემწყვდიათ რეპატრიაციის მსურველი ებრაელები, ხოლო იმათ, ვინც პირველმა გაბედა ეთქვა, „გამიშვი სახლში!“ — ცხადია, კიდევ უფრო უარესი უამი ელოდათ.

მაგრამ ღვთის ნება ურყევია. ებრაელები წავიდნენ და დარჩა „ათი ცემულობით“ გაპარტახებული საბჭოთა იმპერია, მინას განერთხა უზარმაზარი იმპერია. სულაც არ მსურს მკითხველი დავარწმუნო, იმპერია ებრაელების წასვლით დაიქცა-მეთქი, მაგრამ იმპერიას, რომ პირველი ავტურები ქართველმა ებრაელებმა გამოაცალეს, ეს ძნელი შესამჩნევი არ უნდა იყოს.

იმის გამო, რომ ჩვენ თავად არ შეგვიფასებია, თუ რას ნიშნავდა, მათი დროის სოციალურ-პოლიტიკურ ვითარებაში თანამედროვე მამაბელების ქმედებანი, ჩვენ არ აგვიზიდა ისეთ სიმალღეზე, რომ მსოფლიოს ებრაელობა კარგად ხედავდეს, ჩვენ თავად არ გავციხდით იგი ქართველი ებრაელობის სავიზიტო ბარათად, არ გვიმეცადინია, რომ მსოფლიოს ებრაელობამ იცოდეს, ქართველი ებრაელობის ღვანლი დღევანდელი ისრაელის ისტორიაში, ამ მოვლენაზე სხვებზე თვალს ხუჭავენ, ან ისე, სასხვათამოროსოდ მოიხსენიებენ. აი, ნათან შარანსკიმ კი სასხვათამოროსოდაც არ მოიხსენია: 2007 წელს



22 (22) ივლისი-6
1969.



სამი თეთრაშვილი ისრაელ ელავილი ბენ-ციონ იაკობაშვილი მიხაელ ბატონიაშვილი იაკობ ელავილი მიხაელ თეთრაშვილი იაკობ ელავილი სამი მიხელაშვილი

საერთაშორისო სიონისტური ორგანიზაციის გენერალური ასამბლეის ფარგლებში აღინიშნა საბჭოთა კავშირიდან რეპატრიაციის დაწყების 40 წლისთავი. ამ საკითხზე მომხსენებელი გახლდათ „სონსუთის“ თავმჯდომარე ნათან შარანსკი. ჩინებული მოხსენება გააკეთა, კარგად მიმოიხილა საბჭოთა კავშირის რესპუბლიკებში მცხოვრები ებრაელი ლიდერების ღვაწლი რეპატრიაციის დაწყების საქმეში, გააკეთა ვრცელი ანალიზი რუსეთის, უკრაინის, მოლდავეთის, ბელორუსიის ებრაელთა ცხოვრება-ბრძოლისა და ერთი სიტყვაც კი არ დაუძრავს ქართველ ებრაელთა თავგანწირულ ბრძოლაზე, არც ძმები მიხელაშვილები უხსენებია, ვინც ფაქტიურად გაკვალა სამშობლო-საკენ მიმავალი გზა, არც 18 ქართველი ებრაელის წერილი გაეროსადმი, რომელმაც რეპატრიაცია გამოთხოვდა, საბჭოთა ხელისუფლების კეთილი ნების გამოხატულებად კი არა, სახალხო მოთხოვნილებად, კანონზომიერებად აქცია.

სულაც არ მინდა ვიფიქრო, რომ ნ. შარანსკის ფაქტის მიჩქმალვა ენადა, ასეთი სურვილიც ჰქონოდა, ბრალული მომხსენებელი კი არა, ისევე ჩვენ ვართ — ქართველი ებრაელები. იმის, გამო, რომ ჩვენ სათანადო სიმალღებზე არ ავზიდეთ 18 ქართველი ებრაელის მამაცობა, მომხსენებელს მიეცით მისი მიჩქმალვის საშუალება. ასეთი ფაქტი რომ რუსეთის, უკრაინის ებრაელთა ბიოგრაფიაში ყოფილიყო, წარ-

მოდგენილი მაქვს, როგორ დატვირთვას მისცემდნენ მას, რაოდენ პოპულარული გახდებოდა.

გენერალური ასამბლეის მომდევნო დღეს, ისრაელის ქნესეთის ალიისა და აბსორბციის კომიტეტის სხდომაზე იგივე საკითხი განიხილებოდა. სიტყვა მოვითხოვე და გულისტკივილი გამოვთქვი შარანსკის უყურადღებობის გამო, ვისაუბრე 18 ქართველი ებრაელის წერილის მნიშვნელობაზე უზარმაზარი საბჭოეთიდან რეპატრიაციის დაწყების საქმეში. სასიამოვნო გახლდათ, ის რომ ჩემს კვალდაკვალ ჯ. აჯაიშვილმაც ითხოვა სიტყვა და გაიზიარა ჩემი გამოსვლის პათოსი.

ან თუნდაც ის აქცია რად ღირს, ქართველმა ებრაელებმა 1971 წელს მოსკოვის გულში, გორკის ქუჩაზე მდებარე ტელეგრაფის შენობაში რომ მოაწყეს — ორდღიანი შიმშილობა რეპატრიაციის მოთხოვნით. როგორც ჩვენს ზემოთ ხსენებულ ფილმში „თუ დაგივინყო, იერუშალაიმ!“ ერთ-ერთი რესპოდენტი აცხადებს, ქართველ ებრაელთა ამ აქციამ მოსკოვის დისიდენტურად განწყობილი ინტელიგენცია თავისი ქმედებების ეფექტურობაზე დააფიქრა, ანდრეი სახაროვი კი ალაფრთოვანა: ჩვენი საუბრები სამზარეულოებს ვერ გასცდა, აი, ქართველი ებრაელები კი რას აკეთებენო.

აი, რატომ გახლავთ დასაფასებელი და სანაქებო აბრამ მიხაელის ინიციატივა — იგი იბრძვის ისტორი-

ული სიმართლის აღდგენისა და დამკვიდრებისათვის, იბრძვის იმისათვის, რომ მსოფლიოს ებრაელობამ იცოდეს ქართველ ებრაელთა არსი და დამსახურება, ერთგულება ეროვნული ღირებულებებისადმი. ეროვნული ღირებულება კი გახლავთ სამშობლო, რწმენა.

აბრამ მიხაელი მოითხოვს 18 ქართველი ებრაელის საგა ისწავლებოდეს სკოლაში — შევიდეს სასკოლო სახელმძღვანელოებში, საქართველოში ისრაელის ყოფილი ელჩი რიკა ქონი ცდილობს, ჩვენი ფილმი „თუ დაგივინყო, იერუშალაიმ!“ შეტანილი იქნას სასკოლო პროგრამაში.

რაზე მეტყველებს ყველაფერი ეს, რას გულისხმობს აბრამ მიხაელის წინადადება?

მსოფლიოს მრავალ ქვეყანაში მიმოხეულ ქართველ ებრაელობას სჭირდება ერთი იდეით გაერთიანება, ინტელექტუალური კონცენტრირება ეროვნული ღირებულებების გამოკვეთისა და დაცვის მიზნით. დღეს ეს მისია თავს იდო, არა ამა თუ იმ საზოგადოებრივმა ინსტიტუტმა, ერთმა ადამიანმა — აბრამ მიხაელმა. მან წამოჭრა საკითხი, რომლის გაღრმავება სათანადო დონეზე წარმოჩენა, ქართველ ებრაელობას სურულიად სხვა გრადაციამში წარმოაჩენს.

ძნელი არ არის იმის წარმოდგენა, რომ ამ ახალი სიმალიდან სრულიად სხვა პერსპექტივები გამოჩნდება.

აფეთქების თოჯანა

16 ნომბერს, ისლამური რევოლუციის დაცვის კორპუსის გენშტაბის მეთაურმა, გენერალმა ჰასან ფიროუზბადიმ თეირანში გამართულ პრეს-კონფერენციაზე განაცხადა, რომ „ამირ ალ-მომენინ“-ის ბაზაზე, სარაკეტო სანჯოში მომხდარ აფეთქებასთან კავშირი არც ისრაელს აქვს და არც აშშ-ს. ამის შესახებ სააგენტოები „Mehr“ და „ISNA“ იუნყებია.

გენერალმა დასძინა, რომ სანჯოში აფეთქება რაკეტის გადმოტვირთვის დროს მოხდა. მისი თქმით, ამ რაკეტის მეშვეობით, შესაძლებელი იყო ისრაელის ტერიტორიაზე სამიანების განადგურება. ისლამური რევოლუციის დაცვის კორპუსის გენშტაბის მეთაური ფურნალისტებს დაპირდა, რომ ბაზას, რომელზეც აღნიშნული ინციდენტი მოხდა, უახლოეს ორ კვირაში ალადაგენენ.

შეგახსენებთ, რომ „ამირ ალ-მომენინ“-ის ბაზაზე, რომელიც თეირანის სამხრეთ-დასავლეთით 40 კილომეტრში მდებარეობს, 12 ნომბერს, აფეთქების შედეგად 17 ირანელი სამხედრო მოსამსახურე დაიღუპა. მათ შორის „ირანის სარაკეტო პროგრამების მამა“ გენერალ-მაიორი ჰასან ტეჰრანი მოკადამი.

ამ ინციდენტიდან მოკლე ხანში, ამერიკულ ჟურნალ „Time“-ში გამოქვეყნდა ვერსია, თითქოს ამ აფეთქებასთან კავშირი ჰქონდა ისრაელის დაზვერვას „mosad“-ს.

მოგვიანებით აღნიშნულ ინციდენტთან ისრაელის კავშირზე, ბრიტანულ „The Guardian“-თან ინტერვიუში, ირანის ერთ-ერთი სახელმწიფო სტრუქტურის ყოფილი გენერალური დირექტორიც ალაპარაკდა. რიგმა გამოცემებმა კი მისი პოზიციის არასწორი ინტერპრეტაცია მოახდინეს და ჩათვალეს, რომ ამ საკითხთან მიმართებაში „თეირანმა პოზიცია შეიცვალა“.

არაბულ და დასავლურ მასმედიაში გაულერდა მოსაზრება, რომ „mosad“-ის მიერ განვრთნილმა სუნიტიმა ბოვეიკებმა დივერსია მოაწყეს და აფეთქება სწორედ ამ მიზეზით მოხდა.

ამავდროულად, თვითმხილველები ყვებია, მათ ორი აფეთქების ხმა გაიგეს. პირველ შემთხვევაში თითქოს ბომბი ზემოდან ჩამოვარდა, რის შემდეგაც უშუალოდ რაკეტა „Sibah“-ი აფეთქდა. ამ ადამიანების მონათხრობზე დაყრდნობით კი, ზოგიერთი ბლოგერი ვარაუდობს, რომ ირანის სარაკეტო ბაზაზე ნერტილოვანი დარტყმა აშშ-ს ისრაელის უპილოტო თვითმფრინავებმა განახორციელეს.

აჰმადინეჯადის მუძარა

ირანის პრეზიდენტმა მაჰმუდ აჰმადინეჯადმა ეგიპტურ გაზეთთან „ალიონ ალ-საბა“ ინტერვიუში განაცხადა, რომ ირანის ეგიპტესთან კავშირი ისრაელის მსოფლიო რუქიდან წაშლას და შეერთებული შტატების გავლენის შესუსტებას ემსახურება.

აჰმადინეჯადი უარყო ხმები ირანისა და ეგიპტის ხალხს შორის უთანხმოების შესახებ, რაც, მისი სიტყვებით, ორ ხალხს შორის ურთიერთობის დაძაბვას ემსახურება და ირანს ძალიან კარგი ურთიერთობა აქვს მეზობელ არაბებთან.

სირიის შესახებ აჰმადინეჯადმა განაცხადა, რომ თეირანი ამ ქვეყნის შიდა საქმეებში არ ერევა, მაგრამ ირანის ხელმძღვანელობა სირიის ყველა პოლიტიკურ ძალასთან კავშირშია, რათა დახმარება გაუწიოს კრიზისის დაძლევაში.

ახალი საფარ-თორა



17 ნომბერს თბილისის დიდ ბეით ქნესეთს ეწვევნენ რაბინები ისრაელიდან და ამერიკის შეერთებული შტატებიდან. ჩამოსული იყო სულ 32 სასულიერო პირი. ამერიკის შეერთებული შტატების ყველაზე დიდი სათემოს რაბინი მათათიაჰუ სოლომონი თავის მოსწავლეებთან ერთად, რომლებმაც მასწავლებლის საპატივსაცემოდ დაიწყეს ახალი სეფერ-თორის დაწერა, რაშიც ბეით ქნესეთის ჯამაათის წევრებმაც მიიღეს მონაწილეობა.

საღამო ხანს დიდ ბეით ქნესეთში დიდძალი ხალხი შეიკრიბა. სიტყვას ამბობენ საქართველოს მთავარი რაბინი არიელ ლევინი, ხახამი დავით აზიზოვი.

მათათიაჰუ სოლომონმა განაცხადა:

— თორა ჩვენი ყველაზე დიდი სინმინდია, ეს ის თორაა, რომლის შესასწავლად და შესასრულებლად ჩვენი წინაპრები თავს სწირავდნენ. დღეს ჩვენ განსაკუთრებულ ადგილზე ვართ შეკრებილი და თორის დაწერის მიცვას ვასრულებთ. ეს ის თორაა, რომელიც აღრმავებს ჩვენს რწმენას, ჩვენთვის მოაქვს სიხარული. დღეს ჩვენ ყველანი გახარებულნი და ბედნიერნი ვართ. ყველას გილოცავთ დღევანელ დღეს. განსაკუთრებული განცდა ექნება დღეს ისრაელის შვილს, რადგან სახლში გახარებულები, სულიერად ამაღლებულები და ბრუნდებიან. ეს არის საწინდარი იმისა, რომ ყველას ოჯახში გამეფდეს სიყვარული, მშვიდობა, სიხარული, ყველა დამადლიანდეს, რაც შეიძლება მეტ მიცვაზე. ისრაელში, საქართველოში, მთელ მსოფლიოში იყოს მშვიდობა.

საქართველოს ებრაელთა მთავარი რაბინი

არიელ ლევინი:

— ჩამოვიდა ორგანიზაცია, რომელსაც ჰქვია — ებრაელთა დახმარების კომიტეტი, ეს ორგანიზაცია უკვე ოცი წელია მატერიალურად ეხმარება თბილისის ებრაულ ვაჟთა და გოგონების სკოლას. აქ ყოველ წელს ჩამოდიან რაბინები და კითხულობენ ლექციებს. წელსაც ჩამოვიდნენ, რათა მხარი დაუჭირონ ჩვენს სათემოს. დიდ რაბინთან მათათიაჰუ სოლომონთან, რომელიც შეერთებულ შტატებში ყველაზე დიდ სათემოს განაგებს, მასთან ერთად ჩამოსულნი არიან მისი მოსწავლეები, რომელთაც სურთ მასწავლებლის საპატივსაცემოდ დაწერონ სეფერ-თორა. თბილისის ჯამაათმა ამ წამოწყებას მხარი დაუჭირა.

მაღე მე ქართულ ენაზე გამოვცემ წიგნს, მართალია, ქართულ ენაზე კარგად ვერ ვსაუბრობ, მაგრამ მეხმარებიან. წიგნი დაწერილია თორის ყოველკვირეულ საკითხავზე (ფარაშათ შავუა), ყოველი კვირის თავს დართული აქვს კომენტარები. გამიხარდება, თუ ამ წიგნს, ყოველ ოჯახში შაბათ დღეს წაიკითხავენ.

— თბილისის გარდა, რომელ ქალაქს ესტუმრენ საქართველოში პირები?


— ჩვენი ერთად ვიყავით გორში, მოვინახულეთ გორის სინაგოგა, ხესედი და შევხვდით ჯამაათს. ახლა სინაგოგაში პირდაპირ გორიდან მოვედით.

თბილისში დაინერა ახალი სეფერ-თორის 50 ასო, აქედან 20 დაწერეს დიდი რაბის მოსწავლეებმა, 30 თბილისის ჯამაათის წევრებმა.

ახალი სეფერ-თორის შექმნის ფაქტმა ჯამაათის დიდი ინტერესი გამოიწვია.

ხაბალა

ხორხე ლუის ბორხესი



ქალბატონებო და ბატონებო!
 კაბალას სახელით ცნობილ განსხვავებულ, ხანდახან კი ურთიერთსაწინააღმდეგო თეორიებს საფუძვლად უდევს ჩვენი, დასავლური აზროვნებისთვის სრულიად უცხო ცნება — წმინდა წიგნის ცნება. მიიჩნევენ, რომ ჩვენთან არის ამგვარი ცნება — კლასიკური წიგნი. ოსვალდ შპენგლერისა და მისი წიგნის („ევროპის დაისი“) დახმარებით ალბათ არ გამოიჭირდება ჩვენება, რომ ეს ცნებები სრულიად განსხვავებულია. დაუუკვირდეთ სიტყვას „კლასიკური“. როგორია მისი ეტიმოლოგია? „კლასიკური“ სათავეს იღებს სიტყვიდან „ცლას-სის“ — „ფრეგატა“, „ესკადრა“. კლასიკური წიგნი — მონესრიგებული, აკურატული, „shipshare“, როგორც ინგლისელები ამბობენ. ამ მოკრძალებულ მნიშვნელობასთან ერთად კლასიკური წიგნი ნიშნავს ერთგვარად გამოჩენილს. „დონ კიხოტს“, „კომედიას“, „ფაუსტს“ ვეძახით კლასიკურ ნაწარმოებებს.

იმის მიუხედავად, რომ ამ წიგნების კულტი თითქმის უსაზღვროა, მათი აღქმა სხვაგვარია. ბერძნები „ილიადასა“ და „ოდისეას“ კლასიკად მიიჩნევდნენ. პლუტარქეს სიტყვით, ალექსანდრეს ბალიშის ქვეშ ედო ხმალი და „ილიადა“ — თავისი მეომრული ხვედრის ორი სიმბოლო. თუმცა არც ერთი ბერძენი არ მიიჩნევდა, რომ „ილიადა“ სრულყოფილია. ალექსანდრიაში ბიბლიოთეკარები „ილიადას“ სასწავლად იკრიბებოდნენ, და შესწავლისას მოფიქრეს ესოდენ აუცილებელი სასვენი ნიშნები (რომლებიც ახლა, სამუხუბროდ, დავიწყებულია). „ილიადა“ გამოჩენილი წიგნი გახლდათ, მას პოეზიის მწვერვალად მიიჩნევდნენ, მაგრამ არ ფიქრობდნენ, რომ მასში ყოველი სიტყვა, ყოველი სტრიქონი უცილობელია. ეს სრულიად სხვა დამოკიდებულებაა.

ჰორაციუსი ამბობს: „ხანდახან ჰომეროსიც თვლემს“. მაგრამ არავინ არ იტყვის, ხანდახან სულიწმინდასაც სძინავსო.

ინგლისელი მთარგმნელი ქალმერთს საერთოდ არ ახსენებს ჰომეროსის სიტყვების გადმოცემისას: „რისხვავ, ქალმერთო, უმღერე აქილევსს, პელევსის ვაჟს“ ნათარგმნია: „An angry man, this is my subject“. მთარგმნელი ტექსტს ეკიდება არა როგორც წიგნს, სადაც ყოველი ასო აღმატებულია, არამედ ისტორიული თვალსაზრისით განიხილავს მას; კლასიკურ ნაწარმოებებს შეისწავლიდნენ და შეისწავლიან ისტორიული თვალსაზრისით, ისინი კონტექსტშია. წმინდა წიგნს სრულიად სხვა მნიშვნელობა აქვს.

ახლა განვიხილავთ წიგნს, როგორც ინსტრუმენტს, რომელიც გამოიყენება იმისთვის, რომ გაამართლო, უარყო, განავითარო ან დააფუძნო თეორია. ანტიკურობაში მიიჩნევდნენ, რომ წიგნი ზეპირი მეტყველების სუროგატია, მას მხოლოდ ამ თვლით უყურებდნენ. გავიხსენოთ ფრანგენტი პლატონიდან, სადაც ის ამბობს, რომ წიგნები ქანდაკებებს ჰგვანან; ცოცხლები გვგონია, მაგრამ რამეს თუ ვკითხავთ — ვერ გვიპასუხებენ. ამის დასაძლევად მოფიქრებული პლატონისეული დიალოგი, რომელიც თემის ყველა შესაძლებლობას ამოწურავს.

კიდევ ჩვენი ცნობილია ერთი, ძალზე ლამაზი და ძალზე საგულისხმო წერილი, რომელიც, პლუტარქეს თანახმად, ალექსანდრე მაკედონელს გაუგზავნია არისტოტელესათვის. არისტოტელეს ახალი გამოცემული ჰქონია „მეტაფიზიკა“, ანუ მისი ასლების მომზადება უბრძანებია. ალექსანდრე კიცხავს, ეუბნება, ახლა ყველა გაიგებს იმას, რაც ადრე მხოლოდ რჩეულებმა იცოდნენო. არისტოტელე თავს იმართლებს, უქტველია, გულწრფელად: „ჩემი ტრაქტატი გამოქვეყნებულიცაა და გამოუქვეყნებელიც.“ ითვლებოდა, რომ წიგნი თემას სრულად არ ამოწურავს, მას ერთგვარ ცნობარად მიიჩნევდნენ, ზეპირი სწავლების დამატებად.

ჰერაკლიტე და პლატონი სხვადასხვა მიზეზებით აკრიტიკებდნენ ჰომეროსის ნაწარმოებებს. ამგვარი წიგნები დიდებითაა მოსილი, მაგრამ წმინდად არ ითვლება. ეს სპეციფიკურად აღმოსავლური ცნებაა.

პითაგორას არცერთი დანერგილი სტრიქონი არ დაუტოვებია. ვარაუდობენ, ალბათ ტექსტით არ იზღუდებოდაო. სურდა, რომ მის აზრს გაეგრძელებინა სიცოცხლე და მისი მოწაფეების აზროვნებაში განვითარებულიყო. აქედან მოდის გამოთქმა „აგისტერ დიხიტ“, რომელსაც ყოველთვის არასწორად იყენებენ. „აგისტერ დიხიტ“ არ ნიშნავს, რომ „მასწავლებელმა ასე თქვა“ და კამათი

დასრულებულია. პითაგორელი გადმოსცემდა თეორიას, რომელიც შესაძლოა არ ეყრდნობოდა პითაგორას ტრადიციას, მაგალითად, ციკლური დროის თეორიას. მას შეეძავებოდნენ: „ეს ტრადიციას არ ეყრდნობა“. პასუხობდა: „აგისტერ დიხიტ“, რაც სიახლის შეტანის საშუალებას აძლევდა. პითაგორა ფიქრობდა, რომ წიგნები ხელ-ფეხს უკრავს ადამიანს, ან წმინდა წერილისა არ იყოს, სიტყვა ჰკლავს და მხოლოდ სული აცოცხლებს.

შპენგლერი მაგიური კულტურისადმი მიძღვნილი წიგნის „ევროპის დაისი“ ერთ-ერთ თავში შენიშნავს, რომ მაგიური წიგნის პროტოტიპია ყურანი. მაჰმადიან ღვთისმეტყველთათვის, უღმერთებისთვის, ყურანი სხვა წიგნებს არა ჰგავს. ეს წიგნი წინ უსწრებს არაბულ ენას (დაუჯერებელია, მაგრამ ასეა); მას ვერ შეისწავლი ვერც ისტორიული, ვერც ფილოლოგიური კუთხით, რადგან იგი არაბებზე უფროსია, იმ ენაზე უფროსია, რომელზეცაა დანერგილი, სამყაროზე უფროსია. ყურანი ღვთის ქმნილებადაც კი არ მიიჩნევა, ეს რაღაც უფრო ახლობელია და უფრო იდუმალი. მართლმორწმუნე მაჰმადიანებისთვის ყურანი ღმერთის ისეთივე ატრიბუტია, როგორც მისი რისხვა, მონყალება ან სამართლიანობა. თვით ყურანში ლაპარაკია საიდუმლო წიგნზე, წიგნთა დედაზე, იგი წარმოადგენს არქეტიპს ყურანისა, რომელიც ზეცაშია და ანგელოზები თაყვანს სცემენ.

ასეთია ცნება წმინდა წიგნისა, რომელიც საფუძვლამდე განსხვავდება კლასიკური წიგნისგან. წმინდა წიგნში წმინდაა არა მხოლოდ სიტყვები, არამედ მათი შემადგენელი ასოებიც. ამგვარ მიდგომას იყენებენ კაბალისტიები წმინდა წერილის შესწავლისას. ჩემი ვარაუდით, კაბალისტების მოდუს ოპერანდი* განპირობებულია იუდაისტურ მისტიკაში გნოსტიკოსთა ფილოსოფიის შეტანის სურვილით, რათა წმინდა წერილი მოიხმონ და მართლმორწმუნეებად დარჩნენ. ყოველ შემთხვევაში, თვალსაჩინოა (ალბათ ეს სიტყვა არ უნდა გამოიყენებინა), თუ როგორი იყო და არის მოდუს ოპერანდი კაბალისტთა, რომლებმაც თავიანთ საოცარ მეცნიერებას ხელი მოჰკიდეს საფრანგეთის სამხრეთში, ესპანეთის ჩრდილოეთში — კატალონიაში, შემდეგ — იტალიაში, გერმანიასა და სხვა ქვეყნებში. ბოლოს ისრაელამდე მივიდნენ, მაგრამ მოძღვრება იქიდან არ მოდის, იგი იწყება გნოსტიკოს მოაზროვნეთა და კატარებისგან.

აზრი ასეთია: ხუთნიგნეული, თორა — წმინდა წიგნია. უსაზღვრო გონი დამდაბლდა ადამიანურ ამოცანამდე — შეექმნა წიგნი. სულიწმინდა დამდაბლდა ლიტერატურამდე, რაც ისევე დაუჯერებელია, როგორც ვარაუდი, რომ ღმერთი ისე დამდაბლდა, რომ ადამიანი იყო. მაგრამ სწორედაც დამდაბლდა, პირდაპირი გაგებით. სულიწმინდა დამდაბლდა ლიტერატურამდე და შექმნა წიგნი. ასეთ წიგნში შემთხვევითი არაფერი არ შეიძლება იყოს, მაშინ, როცა ადამიანთა დანერგილ ყველა ქმნილებაში არის რაღაც შემთხვევითი.

ცნობილია, თუ რა კრძალვას იწვევს „დონ კიხოტი“, „მაკბეტი“ ან „სიმღერა როლანზე“ და ბევრი სხვა წიგნი, რომელიც უმეტესწილად თითო ერს თითო აქვს. გამოწვევისაა საფრანგეთი, რომელსაც ისეთი მიდგომის ლიტერატურა მოუპოვებდა, რომ სულ მცირე, ორ კლასიკურ ნაწარმოებს ითვლის, — თუმცა ამას მოვეშვათ.

კეთილი. თუკი შემთხვევით მავანი ფილოლოგი-სერვანტესოლოგი იტყვის, „დონ კიხოტი“ იწყება სიტყვით, რომელიც შედგება სამი ასოსგან (ერთი), მერე მოსდევს ექვსასოიანი სიტყვა (ჰატარა) და მერე — ორი სიტყვა, ექვსასოიანი და რვაასოიანი (სოფელში, პროვინცია), და მოინდომებს აქედან გამოიტანოს დასკვნები, მაშინვე შეშლილად გამოაცხადებენ. ბიბლია კი სწორედ ასე შეისწავლება.

მაგალითად, ამბობენ, რომ იგი იწყება „ბეტი“-ით, სიტყვა „breshit“-ის პირველი ასოთი. რატომ იწყება „ბეტი“-ით? იმიტომ, რომ ებრაულ ენაში ეს სანყის ასო აღნიშნავს იმავს, რასაც სანყისი ასო ესპანურ სიტყვაში „ბენდიციონ“*, ტექსტი არ შეიძლება, დაიწყოს ასოთი, რომელიც წყველას შეესაბამება; იგი დალოცვით უნდა იწყებოდეს. „ბეტი“ — პირველი ასოა ებრაული სიტყვისა „ბრახა“, რომელიც ნიშნავს დალოცვას.

არის კიდევ ერთი, ძალზე საგულისხმო გარემოება, რომელიც გავლენა უნდა იქონიოს კაბალაზე: ღმერთმა, ვისი სიტყვებიც მისივე შრომის იარაღია (როგორც მიაჩნია შესანიშნავ მწერალს საავედრა

ფახარდოს), სამყარო მხოლოდ სიტყვების დახმარებით შექმნა: „იყავნ ნათელი“ — და გაჩნდა ნათელი. აქედან შეიძლება დავასკვნათ, რომ სამყარო შეიქმნა სიტყვა „ნათელის“ მეშვეობით. სხვა სიტყვა რომ თქმულიყო და სხვა ინტონაციით, შედეგი იქნებოდა არა ნათელი, არამედ რაღაც სხვა.

მივედით ისეთივე დაუჯერებელ მოსაზრებამდე, როგორც ისაა, რაზეც წელან ვლასპარაკობდი; იგი აოცებს ჩვენს დასავლურ გონებას, ყოველ შემთხვევაში, ჩემსას, და ეს უნდა გიამბოთ. მიგვაჩნია, რომ ადრე სიტყვებს წარმოთქვამდნენ, მერე კი წერილობით დაუწყეს გამოსახვა. კაბალა (რომელიც ნიშნავს „გადმოცემას“, „ტრადიციას“) პირიქით, ვარაუდობს, რომ ასოები უფრო ადრე არსებობდა. ანუ თითქოსდა, გამოცდილების საწინააღმდეგოდ, დამწერლობა წინ უსწრებს ზეპირმეტყველებას. მაშინ წერილში შემთხვევითი არაფერია; ყველაფერი წინასწარგანსაზღვრული უნდა იყოს. მაგალითად, ასოთა რაოდენობა ყოველ ლექსში.

შემდეგ კაბალისტიები ასოებრივ შესაბამისობებს ეძებენ. წერილი განიხილება, როგორც დამიფრული, კრიპტოგრაფიული ნაწერი, იქმნება მისი წაკითხვის ახალი კანონები. შეიძლება, ავიღოთ წერილის ნებისმიერი ასო და განვიხილოთ, როგორც სხვა სიტყვის სანყისი ასო. ასევე შეიძლება მოქცევა ტექსტის ნებისმიერ ასოსთან დაკავშირებით.

შეიძლება შეიქმნას ორი ალფაბეტი: ერთი, მაგალითად, ა-დან ლ-მდე და მეორე — ლ-დან ზ-მდე, ან შესაბამისი ებრაული ასოდან ასომდე; მიიჩნევა, რომ პირველის ასოები მიესადაგება მეორის ასოებს. მაშინ შეიძლება ტექსტის წაკითხვა ზუსტროფედონის (ბერძნულად რომ ვთქვათ) მეთოდით, ანუ მარჯვნიდან მარცხნივ, მერე მარცხნიდან მარჯვნივ, მერე მარჯვნიდან მარცხნივ. შეიძლება ასოებს ციფრების მნიშვნელობა მივაწიოთ. ყოველივე ეს ჰქმნის საიდუმლო დამწერლობას, შეიძლება მისი გაშიფვრა, და შედეგები მნიშვნელობითაა აღსავსე, რადგან წინასწარ იყო განჭვრეტილი ღვთაებრივი გონის მიერ. ამგვარად, მოძღვრებამდე მიდიან ამ კრიპტოგრაფიის მეშვეობით, იმ მოქმედებით, რომელიც ჰოს „ოქროს ხოჭოს“ გვახსენებს.

ჩემი ვარაუდით, მოძღვრება მოდუს ოპერანდი-ზე უფრო ადრე გაჩნდა. ასე გგონია, რომ კაბალასაც ის დაემართა, რაც სპინოზას ფილოსოფიას: მათემატიკური ნესრივი მოგვიანებით გაფორმდა. გგონია, რომ კაბალისტებმა გნოსტიკოსების გავლენა განიცადეს და რაკი ძველებრულ ტრადიციასთან იყენენ დაკავშირებულები, გამოძებნეს ეს საკვირველი ხერხი ასოების გამოიფერისა.

კაბალისტითა მოდუს ოპერანდი ეფუძნება ლოგიკურ წინაპირობას, აზრს, რომ წერილი სრულყოფილი ტექსტია და არ შეიძლება რაიმე შემთხვევითი შეიცავდეს.

სრულყოფილი ტექსტები არ არსებობს, ყოველ შემთხვევაში, ადამიანის მიერ შექმნილ ტექსტთა შორის. პროზაში დიდი ყურადღება ეთმობა სიტყვათა მნიშვნელობას, ლექსებში — უღერადობას. სულიწმინდას მიერ შექმნილ ტექსტში როგორ ვივარაუდოთ სისუსტე, უყურადღებობა? ყველაფერი წინასწარ უნდა იყოს გათვალისწინებული. ეს წინასწარგანსაზღვრულობა უდევს საფუძვლად კაბალისტთა მოძღვრებას.

თუკი წმინდა წერილი უსასრულო არ არის, მაშ რით განსხვავდება იგი ადამიანთა ნაწარმოებებისგან, რა განსხვავებაა მეფეთა წიგნსა და ისტორიის სახელმძღვანელოს, ქებათაქებასა და პოემას

სტუდენტთა მოქმედების მიზანი

როგორც სეფერ ხასიდში წერია, მასპინძელი არ არის ვალდებული თუ მას ამის საშუალება არ გააჩნია სტუმარს განსაკუთრებული კერძები მიართვას, მთავარია მასპინძელმა მიიღოს სიხარულით, სჯობია სტუმარს მიართვა ბოსტნეული სიხარულით, ვიდრე ხორცი უსიამოვნოდ.

რაბი ისრაელ სალანტერი, არცთუ იშვიათად, ამბობდა, რომ ხშირად ესმოდა თუ როგორ ეძახდნენ სალოცავიდან გამვლელებს: „კდუშა, კდუშა (ლოცვა). შემოდი, შემოგვიერთდი!“, მაგრამ არასოდეს სმენია ადამიანების შესახებ, რომლებიც ჭამის დროს ეძახდნენ ვინმეს „საჭმელი, საჭმელი, მოდი, შემოგვიერთდი!“

ევროპის ბევრ ქალაქში შექმნეს გაერთიანება, რათა ეზრუნათ სხვა ქალაქიდან ჩამოსულ სტუმრებზე. ერთხელ ბრისკში (ბრესტი) ასეთი გაერთიანების ხელმძღვანელმა გადამწერი, რომ ამ ტვირთს ველარ ზიდავდა — ძალა აღარ მყოფნის და გაერთიანება უნდა გავაუქმოო, ბრისკის რაბი სოლოვიჩნიკმა ხელმძღვანელი მოიხმო და უთხრა: „თუ შენ გაერთიანებას გააუქმებ, მე ღამე ძილი აღარმეძინება. ბრისკი არის ქალაქი რკინიგზის სადგური, მისი გავლით ბევრი ებრაელი მგზავრობს, ბრისკის ყველა მცხოვრებს აკისრია მოვალეობა — არც ერთი ჩამომსვლელი არ დარჩეს მშვიდი. როცა ამაზე გაერთიანება ზრუნავს, მე შემოიძლია მშვიდად ვიძინო, მაგრამ თუ ასეთი გაერთიანება აღარ იქნება, შუალამისას სადგურზე უნდა ვიარო, რათა შევამოწმო, ხომ არ არის რომელიმე მგზავრი შემდეგი მატარებლის მოლოდინში და თუ არის, წავიყვანო ჩემთან სახლში“. გაერთიანების ხელმძღვანელმა საქმიანობის გაგრძელება გადამწერი.

თქვენ შეგიძლიათ შეასრულოთ სტუმრების მიღების მიცვა იმ შემთხვევაშიც კი, თუ არ გაქვთ სახლი: თუ იცით, რომ ვიღაცას ღამის გასათევია ესაჭიროება, შეეცადეთ იპოვოთ, ადამიანი, რომელიც თანახმა იქნება მას მასპინძლობა გაუწიოს.

როცა რაბი ზალმან მელცერს კარზე კაკუნს ესმოდა, იგი სირბილით ავლავდა კარს. ჰკითხეს, რატომ იწუხებს თავს ასე, კარს ჩვენც გავაღებთო. მან უპასუხა: „სწრაფად უნდა გააკეთო ის, რაც სხვას სჭირდება“.

ერთხელ რაბი ზალმან მელცერს ვიღაცამ უთხრა; „შენს სახლს ხაზონ იმი უახლოვდება!“ რაბი მელცერი ცნობილი თალმიდ-ხახმის შესახებ დრად გაიქცა, მაგრამ მაშინვე დაინახა, რომ სახლს უახლოვდებოდა ადამიანი, რომელიც გარეგნულად ჰგავდა ხაზონ იშს. მიუხედავად ამისა, რაბი მელცერმა სტუმარს დიდი ყურადღება მიაქცია: შინ მიიწვია და მორიდებით ჰკითხა, თუ რისი გაკეთება შეეძლო მისთვის — იქნებ, სურდა ნამცხვარი, ჩაი ან სადილი? სტუმარი ასეთი მიღებით ძალიან შემცბარი იყო და ხმადაბლა თქვა, რომ არანაირად არ სურს იემივის ხელმძღვანელის შეწუხება, სურს კია მიიღოს სარეკომენდაციო წერილი და შეაგროვოს ფული თავისი ქალიშვილის ქორწილისათვის.

რაბი მელცერმა მაშინვე დაწერა კარგი წერილი, სტუმარი მხურვალედ დალოცა და წარმატება უსურვა, ქუჩამდე გააცილა. შინ რომ მობრუნდა,

ოჯახის წევრებმა გაცემით ჰკითხეს, თუ რატომ სცა ასეთი პატივი ამ ადამიანს.

მან უპასუხა: „სტუმრის მიღება მნიშვნელოვანი მიცვაა, ყოველ ადამიანს უნდა მიაგო ისეთი პატივი, როგორ პატივსაც მამა აბრაამი სცემდა თავის სტუმრებს, მაგრამ ჩვენ ხშირად ვერ ვასრულებთ ამას და ყურადღებას მხოლოდ განსაკუთრებულ სტუმრებს ვაქცევთ, ამჯერად მე ხაზონ იშის შესახებ ვეძებოდი, მის მაგიერ სხვა მოვიდა, განა, ეს მიზეზია, რომ არ ვცემთ მას სათანადო პატივი?“

ევროპაში ქალაქ პრესნიცში ცხოვრობდა მდიდარი რაბი ჰირშ ირვიცი — ხათამ სოფერის ცოლის ძმა. იგი ოჯახში ეპატიუბოდა ყველა ღარიბ მოგზაურს, რომლებიც შაბათს მის ქალაქში აღმოჩნდებოდნენ, ღარიბები ისხდნენ საშაბათო მაგიდასთან მის ხელმარჯვნივ და ხელმარცხნივ, თავად კი მაგიდის სათავეში. ერთხელ ირვიცის სახლში სამუშაოდ ახალი მოსამსახურე მივიდა, რომელმაც არ იცოდა ოჯახის ჩვეულება და ღარიბებისთვის სკამები მაგიდის შორეულ კუთხეში დადგა, სალოცავიდან სტუმრებთან ერთად დაბრუნებულმა რაბი ჰირშმა დაინახა, თუ როგორ ელაგა სკამები და კიდუშის ჭიქა და ხალეები მაგიდის მეორე ბოლოში გადაიტანა, ამით მაგიდის ბოლო სათავედ გადაიტანა (ხატამ სოფერის ისტორია).

თალმუდი გვასწავლის, რომ სტუმრების მიღება უფრო მნიშვნელოვანია, ვიდრე ჰაშემთან ლაპარაკი.

გიყვარდეს ვიღაცის შვილები — იმიტომ რომ გიყვარს ის ადამიანი, ეს არის უფრო ძლიერი სიყვარულის გამოვლინება, ვიდრე მხოლოდ მათი მამის სიყვარული. მოცემულ შემთხვევაში ჰაშემის სიყვარული ვლინდება უფრო ძლიერად. ამის გარდა, სხვისთვის სიკეთის გაკეთებით, თქვენ ბაძავთ ჰაშემს. დაემსგავსო ჰაშემს უფრო მნიშვნელოვანია, ვიდრე ელაპარაკო მას. (რაბი ნოახ ვაინბერგი) თუ გაიგებთ, რომ თქვენს მეზობლებს სტუმრები ჰყავს, და სანოლები არ ყოფნის, თქვენ კი ზემდეტი გაქვთ, შესთავაზეთ, რათა შეძლოს სტუმრების მიღება.

კოცკელ რაბი მენახემ მენდელმა თქვა: „როცა ადამიანთან მიდის სტუმარი, მანამ სანამ იზრუნებს სუფრაზე, უნდა იზრუნოს მისთვის ღამის გასათევზე, მაშინ სტუმარი სიამოვნებას ტრახუნზე მიიღებს და არ შეაწუხებს იმაზე ფიქრი, თუ სად დაიძინებს“.

რაბი ლეიბ ხასმანი გვიამბობს, რომ ერთხელ პარასკევ საღამოს ხაფეც ხაიმის სახლში სტუმრობდა, ჩვეულებრივ შალომ ყალეხემის ნაცვლად, რომლითაც შაბათის შემობრძანებას ხვდებიან, ხაფეც ხაიმი ჭამას შეუდგა. რაბი ხასმანმა ხაფეც ხაიმს ჰკითხა, თუ რატომ გადაუხვია ჩვეულებას.

„თქვენ ალბათ, უკვე მშობრივ ბრძანდებით — უპასუხა ხაფეც ხაიმმა — ამიტომაც სწრაფად მოგეცით ჭამის საშუალება. ანგელოზები (რომელთაც სიმღერით „შალომ ყალეხემ“ მივესალმებით) არ არიან მშობრები, მათ ლოდინი შეუძლიათ“.

„მე ავიღებ პურის ნაჭერს“ (ბერეშითი 18;5) უცხოელ ტურისტთა ჯგუფი იერუსალიმში ფე-

სახის დღესასწაულზე ჩავიდა. მათ რაბი იოსეფ ხაიმ ზონენფელდს სთხოვეს სტუმრად მიეღოთ და განაცხადეს საკვების თანხას თავად გადავიხდითო, რაბი ზონენფელი დათანხმდა და მათივე თანდასწრებით თანხა გადასცა მეუღლეს. ცოლი ძალიან გაკვირებული იყო, იმით რომ რაბი დათანხმდა მიეღო ეს ფული, ადრე არასდროს იღებდა თანხას სხვისი დახმარებისთვის. სტუმრები კმაყოფილნი იყვნენ, რომ შეძლებდნენ რაბისთან სედერზე დასწრებას. ხოლ-ამოყედის (როცა ნებადართულია ყველაფრის კეთება) პირველ დღეს, სტუმრები აღნიშნავდნენ დღესასწაულის მეორე დღეს, (რადგან საზღვარგარეთ მცხოვრები ებრაელები აღნიშნავენ ორ დღეს) სასტუმროში, სადაც ისინი გაჩერდნენ. მათ გასაკვირად რაბი ზონენფელი მათ ნომერში აღმოჩნდა და სუფრის ქვეშ დადო ფული, რომელიც მათ მისცეს, რადგან მათთვის დღესასწაული ჯერ არ იყო დასრულებული, არ შეეძლოთ ფულთან შეხება, რომ დაეზრუნებინათ. სტუმრები სთხოვდნენ ფული უკან წაეღო, რადგან მან ეს ფული მიიღო და უკვე მისი იყო. „მართალია — თქვა რაბი ზონენფელდმა — მე დავთანხმდი, მაგრამ მხოლოდ იმიტომ, რომ თავი თავისუფლად გეგრძნოთ და გეჭამათ იმდენი, რამდენიც გსურდათ და არ გეფიქრათ, რომ მე დამაკლებდით. (მორე დერეხ ისრაელ)

როცა ადამიანს სტუმარი ჰყავს ის არ უნდა ბრაზდებოდეს შინაურებზე, იმ შემთხვევაშიც კი თუ მიზეზი აქვს იმიტომ, რომ სტუმარმა შეიძლება თავის თავზე მიიღოს. (დერეხ სლულა)

„გაიქცა აბრაამი საქონელთან, ამოიჩრია საუკეთესო ხბო და მისცა იგი ახალგაზრდა ყმანვილს. ის გაემურა ხბოს მოსამზადებლად“ (ბერეშითი 18; 7).

რაბი იშველიებს მიდრამის ციტატას (ბერეშითი რაბა 48;13) რომლის თანახმადაც, „ახალგაზრდა ყმანვილი“ იშველი იყო. აბრაამმა ხბო მას მისცა, რათა ყმანვილი მიჩვეოდა მიცვების კეთებას. ხაფეც ხაიმი წერს, რომ უნდა გვახსოვდეს: არაა საკმარისი მარტო შენ აკეთო ხესედი (მადლი), საჭიროა ბავშვებიც მიაჩვიოთ სიკეთის კეთებას. (აჰავათ ხესედი)

„აიღო მან (აბრაამმა) კარაქი, რძე და ხბო, რომლებიც მოამზადა და დადო მათ წინ, და იდგა მათ წინ ხის ქვეშ, და ისინი ჭამდნენ“. (ბერეშითი 18;8)

მიუხედავად იმისა, რომ აბრაამს ბევრი მსახური ჰყავდა და თვითონ ბრით მიიღო მერე თავს ცუდად გრძნობდა მოინადინა, თვითონ გაეკეთებინა მიცვა სტუმრებისთვის.

როცა ხაფეც ხაიმის შინაურებმა დაინახეს, სტუმრისთვის როგორ ამზადებდა სანოლს, თქვეს, რომ შეწუხება საჭირო არ არის და ისინი ყველაფერს თვითონ გააკეთებენ. „როცა ჯერი თვფლიმის დადების მიცვამდე მივა, მაშინაც მეტყვი, რომ მას ჩემს მაგიერ გააკეთებთ? რომ მე არ შევწუხებდე“ — იკითხა ხაფეც ხაიმმა.

ესთარ ანტონოვილი
თბილისის გოგონების სემინარის სტუდენტი -
აჰარონ მდინარაძე
თბილისის სალოცავის „ბეთ რახელ“ ხახამი

შეშვების სამი ლაგაზი დღე

„ბაკურიანი-2011“

„შაბატონი“ — ეს ბაკურიანში 28-31 ოქტომბერს გამართული ბავშვთა საშემოდგომო ბანაკის სახელწოდებაა. ბანაკი ებრაული კულტურულ-საგანმანათლებლო ფონდის დირექტორის — ელენე ბერკოვიჩის თაოსნობითა და მხარდაჭერით ამოქმედდა. ეს იყო სამი დაუვიწყარი დღე ჩემი და ჩემი შვილის ცხოვრებაში. არა მარტო ჩვენი, არამედ იმ ბავშვებისა და მათი მშობლების მეხსიერებიდან ალბათ, არასდროს წაიშლება ამ ყველაფრის მშვენიერებით ტკბობა.

ბანაკის მთელი პერსონალი, განსაკუთრებით ენერგიული და დაუღალავი დირექტორი — ზაზა მამულაშვილი, უმცირესი დეტალების გათვალისწინებით მაქსიმალურად ზრუნავდნენ ჩვენი და

ჩვენი შვილების სრულფასოვანი დასვენებისათვის.

ბანაკის თითოეული დღე დატვირთული იყო სხვადასხვა საგანმანათლებლო, გასართობი თუ სპორტული პროგრამებით, რომლებიც თავადვე შეიმუშავეს მადრიხებმა: ანა მილაქიმ, ალექსანდრე აბაევმა, სტანისლავ ზასლავსკიმ, ლია მეგრელიძემ, ყველასთვის საყვარელმა ლამარამ, ნინა და გიორგიმ. მოენციო საინტერესო საუბრები ებრაულ რელიგიასა და ისტორიაზე, ებრაულ თემატიკაზე, შაბათის შეხვედრა, მართლაც უღამაზესი იყო სანთლების ანთება, კურთხევა, ლოცვები, შაბათის სედერი, მრავალფეროვანი ვახშამი და დიდი მხიარულება.

გამოსამშვიდობებელი საღამო გვიან ღამემდე გაგრძელდა. იყო სიმღერები, ცეკვები. გრანდიოზული კონცერტი დამეგობრებული მოზარდები და მშობლები კვლავ ერთად დასვენების იმედით ემშვიდობებოდნენ ერთმანეთს.

მადლობა ყველას (განსაკუთრებით ქალბატონ ელენე ბერკოვიჩს), ვინც ბავშვებს და მათ მშობლებს ესოდენ დაუვიწყარი, განუმეორებელი სიხარული და სიამოვნება აჩუქა.

დასრულდა „ბაკურიანი-2011“ თუმცა, არ დასრულებულა დაუვიწყარი მოგონებები.

ლილი მაღალაშვილი
9 წლის თამარ ზუბაშვილის მშობელი

სამეცნიერო ჟონტაქტები

მოსხენება ფესახის აგადის თაობაზე

ამ დღეებში თბილისში იმყოფებოდა ისრაელის ქალაქ არიელის საუნივერსიტეტო ცენტრის პროფესორი რეუვენ ენოხი (ენუქაშვილი).

ჩვენი კორესპონდენტი შეხვდა ბ-ნ რეუვენ ენოხს და ესაუბრა ვიზიტის თაობაზე.

რეუვენ ენოხი: ამ დღეებში თბილისის სახელმწიფო უნივერსიტეტში გაიმართა ქართველოლოგიის რიგით მეექვსე საერთაშორისო სიმპოზიუმი. მე ამ სიმპოზიუმის მონაწილე გახლდით. წავიკითხე მოხსენება ფესახის აგადის ტრადიციული ქართული თარგმანის შესახებ. ეს არის თარგმანი, რომელიც ზეპირი გზით საუკუნეების განმავლობაში ქართველ ებრაელთა შორის თაობიდან თაობას გადაეცემოდა. ეს მოხსენება შემთხვევითი არ ყოფილა, რადგანაც ამ საკითხთან დაკავშირებით წიგნის გამოცემას ვაპირებ. იერუსალიმის უნივერსიტეტს უკვე გადაეცემა წიგნი გამოსაქვეყნებლად, იმედი მაქვს, არ დამინუნებენ და მალე დაიბეჭდება. გამოქვეყნდება ქართული თარგმანის სამი ვარიანტი, ორი ტრადიციული, ძალიან ძველი, XI-XII საუკუნეებში შესრულებული თარგმანი და ერთიც — ახალი თარგმანი. მოგეხსენებათ, საბჭოთა პერიოდში ყველაფერი აკრძალული იყო, რაც ებრაელობას შეეხებოდა. აგადის თარგმანის იატაკქვეშა გამოცემა არსებობდა, თუმცა, რთულია მას გამოცემა უნოდო, რადგან ეს იყო მანქანაზე გადაბეჭდილი ტექსტი, რომელსაც ხელახლა ათასჯერ ბეჭდავენ. ამ საქმის გაკეთება მაშინ ძალიან საშიში იყო, მაგრამ ამის მიუხედავად, თავგადაღებულია ადამიანებმა, რომელთა სახელებიც ჩემთვის სამწუხაროდ, უცნობია, შეძლეს ამ ყველაფრის გაკეთება და თარგმანის ერთი ეგზემპლარი ჩემს ოჯახშიც მოხვდა. სწორედ ამ ეგზემპლარსაც გამოვცემ. ძალიან საინტერესო ტექსტია, რადგან დასაწყისი, დაახლოებით სამი გვერდი, არის

ტრადიციული თარგმანის ვარიანტი, დანარჩენი კი მთლიანად თანამედროვე ქართულზეა ნათარგმნი. როგორც ჩანს, ან მიდგომა შეიცვალა, ან ის პირები, ვინც ამ საქმეს აკეთებდნენ. ამ წიგნში ვრცლად არის საუბარი იმის შესახებ, თუ როდის უნდა ყოფილიყო ნათარგმნი ეს ვარიანტი. რა გავლენებია ძველი ქართული ენისა და ივრითისა. სწორედ ამ საკითხების საფუძველზე გააკეთე მოხსენება სიმპოზიუმზე — აგადის თარგმანის მნიშვნელობის შესახებ ქართული ენის ისტორიისათვის. ზოგიერთი ისეთი სიტყვა გამოყენებული, რომელიც „ვეფხისტყაოსანში“ მხოლოდ ერთხელ გვხვდება და ამ თარგმანშიც იგივე სიტყვა გამოყენებული. ერთი მეორეს, თუ შეიძლება ასე ითქვას, ზურგს უმაგრებს, ვხვდებით, რომ შემთხვევითი სიტყვები არ არის და იმ დროს ქართული ენის საუნჯეში იყო. ჩემი მოხსენებით სიმპოზიუმი დაინტერესდა. ამით ძალიან გავიხარე. სიმპოზიუმს არა მარტო მეცნიერები, სტუდენტები, სხვა სფეროს წარმომადგენლებიც ესწრებოდნენ. ქართულ-ებრაულ მასალაზე მუშაობას ახლაც ვაგრძელებ.

— რამდენი ხნის განმავლობაში იმყოფებით საქართველოში?

— ორი დღით ვიყავი სიმპოზიუმზე ჩამოსული. ხვალ სიღნაღში გამსვლელი სხდომა გვაქვს. მოხდება მთელი სიმპოზიუმის შეჯამება, შედეგების განხილვა და სამომავლო პერსპექტივების დასახვა. კვირას საქართველოს დავტოვებ.

— ვინ იყო თქვენთან ერთად ჩამოსული სიმპოზიუმზე?

— უნდა ჩამოსულიყო პროფესორი კოტე ლერნერი, მაგრამ ჯანმრთელობის გაუარესების გამო ვერ შეძლო. ბოლო ხანს მეორე კონფერენცია



იყო, რომელშიც მივიღეთ მონაწილეობა. თელავის უნივერსიტეტში ჩატარდა დიდი სამეცნიერო კონფერენცია და იქაც მქონდა მოხსენება წარდგენილი, მაგრამ საკმაოდ საპატიო მიზეზების გამო, სამწუხაროდ, ვერ ჩამოვედი და კონფერენციაში მონაწილეობა ვირტუალურად მივიღე. დიდი მადლობა მინდა გადავუხადო თელავის კონფერენციის ორგანიზატორებს, რადგანაც ძალიან მაღალი რანგის წარმომადგენლებთან ერთად უნდა გამოვსულიყავი.

ისრაელ-უკრაინელთა ოლიგარქებმა ევროპის ებრაელები გააბრავეს

ევროპის ებრაელების კავშირმა განაცხადა მისი მიზნის — 120-ადგილიანი ებრაული ევროპარლამენტის შექმნის შესახებ. იდეის ავტორების — უკრაინელი ებრაელი ოლიგარქების — იგორ კოლომოისკისა და ვადიმ რაბინოვიჩის გეგმით — პარლამენტში ევროპის 54 ქვეყნის წარმომადგენლები უნდა იყვნენ. კანდიდატების სიაში მოხვდნენ, არა მარტო პოლიტიკოსები და ბიზნესმენები, არამედ მსახიობები, სპორტსმენები, მათ შორის ანსტისემიტი ბორატი (ბრიტანელი-ებრაელი კომიკის საშა ბარონ ქოენის ერთ-ერთი პერსონაჟი). ცნობილ პიროვნებებს შორის არიან: ფეხბურთელი დევიდ ბექჰემი, ესპანელი მომღერალი ხულიო იგლესიასი, მწერალი ელი ვიზელი და მსახიობი მორან ატიასი.

ევროპის ბევრი ცნობილი ებრაელი, თავისი გვარის სიაში აღმოჩენის შემდეგ, გაოცებული დარჩა, რადგან თანხმობა მათი კანდიდატურის წამოყენებაზე არ მიუციათ. ბევრ მათგანთან, მათივე სიტყვებით, ამ თემაზე არავის უსაუბრია. ათობით „კანდიდატმა“ გაგზავნა წერილი, იმის მოთხოვნით, რომ დაუყოვნებლივ ამოიღონ მათი სახელები კანდიდატების სიიდან, - წერს „kupcor“.

ევროპის ებრაულმა ორგანიზაციებმა გამოაქვეყნეს სპეციალური განცხადება ევროპის ებრაული პარლამენტის საკითხთან დაკავშირებით. „ცოტა ხნის წინ ჩვენ დაგვიკავშირდა ორგანიზაცია, რომელიც საკუთარ თავს „ევროპის ებრაელების ასოციაციად“ ასახელებდა. როგორც გავიგეთ, ამ ორგანიზაციის, ისევე როგორც პარლამენტის, შექმნის ინიციატივის უკან, ორი უკრაინელი ბიზნესმენი დგას. გაუგებრობის ფონზე ჩვენ გვსურს გავარკვიოთ, რომ ჩვენ ვართ არჩეული დემოკრატიული ორგანიზაცია, რომელიც ევროპაში ებრაულ სათემოებს წარმოადგენს და არანაირად არ ვართ დაკავშირებული ინიციატივასთან და არ ვუჭერთ მას მხარს,“ — განაცხადა ორგანიზაციამ „ხა-კარიფის“ წარმომადგენელმა, რომელიც საფრანგეთის, საბერძნეთისა და იტალიის ებრაელებს წარმოადგენს.

რედაქციისათვის: ამ საკითხზე „მენორას“ წინა ნომერში მოთავსებული ინფორმაციის შემდეგ რედაქციას დაუკავშირდა ხახამი აპარონ მდინარაძე და გვთხოვა მკითხველისთვის გვეუწყებინა: მას პარლამენტის წევრობის კანდიდატად საკუთარი თავი არ წაუყენებია და ამ პარლამენტის თაობაზე არაფერი იცის.

კაცავი ცისაუიხ ჰენსიას მიიღეს

10 ნომბერს, უზენაესმა სასამართლომ ექს-პრეზიდენტის — მოშე კაცავის სარჩელი არ დააკმაყოფილა. ამ გადაწყვეტილების შემდეგ, ყოფილი პოლიტიკოსი, რომელიც დამნაშავედ სცნეს გაუპატიურებაში, 7 წლიან პატიმრობასთან ერთად, ველარ ისარგებლებს იმ შეღავათებით, რომლებიც მას სტატუსით ეკუთვნოდა.



გადასახადების გადამხდელებს ეს ყოველწლიურად ასეულ ათასობით შეკელი უჯდებოდათ.

ამავდროულად, მოშე კაცავს შეუჩერებენ კირიათ-მალახში მდებარე სახლის დანახარჯების დაფარვასაც, რომელიც სახელმწიფო ხაზინიდან ფინანსდებოდა. ამ თანხებს ექს-პრეზიდენტს მას შემდეგ უხდიდნენ, რაც იერუსალიმში სახელმწიფო ბინის მიღებაზე უარი განაცხადა, — აღნიშნავს რადიოსადგური „რეშეთ ბეთ“-ი.

პირადი მდივნის, ყოფილი პრეზიდენტისა და მისი მეუღლისთვის განკუთვნილი სამედიცინო დაფინანსება, პრესისა და საფოსტო გადასახადები და სხვა.

თუმცა, ექს-პრეზიდენტი, ყოველთვიურად პენსიას მაინც დიდ თანხას მიიღებს — დაუბეგრავად 50 ათას შეკელს.

დაგეგმვა და გამოცემა: გურამ ბათიაშვილი, კოტე აბაშიძე, თბილისი, ლეონიძის 11^ბ, ვახტანგ VI ქ. №30, ტელეფონები: 99.90.96, 77.20.57. რედაქტორი: გურამ ბათიაშვილი, ISSN 1987-8982 UAC 070 411.16 8-557, 9771987898003. რეგისტრირებულია: ქ. თბილისის მთაწმინდის რაიონის სასამართლოში, აიპრ., რეგისტრაციის № 4/1-921.